

المشروع القومي لتوثيق التراث المسرحي
من مكتبة الفنان علي الكسار

رواية
دولة الحظ
١٩٢٤م

١٧
عاشق

دولة الحظ

١٩٦٤م





د. أحمد زايد
رئيس مجلس الإدارة

د. محمد سليمان
رئيس قطاع التواصل الثقافي

د. أيمن سليمان
مدير المركز

م. ياسمين ماهر عبد النور
إشراف عام

أميرة صديقي
مدير المشروع

هبة السيد خضير
منسق ومستول توثيق التراث المسرحي

هشام إحسان
تصميم الغلاف

مصطفى النادي
مسح ضوئي

ولاء علي عفيفي
معالجة الصور

أسامه عبد الله
إدخال بيانات

محمد فاضل
إخراج فني وتنسيق

منى صبري
مشاركة في تدقيق النص

د. طارق حواس
رئيس فريق عمل التصميم المطبوع

شكر خاص لكل من:

الأستاذ ماجد علي الكسار الذي أمد المركز بمكتبة الفنان علي الكسار المسرحية.
كريستين ميشيل وباسم العجيزي لمشاركتهما في أعمال رقمنة ومراجعة الروايات خلال فترة عملهما بالمركز.

المشروع القومي
لتوثيق التراث المسرحي
من مكتبة الفنان علي الكسار

دولة الحظ
١٩٢٤م



مكتبة الإسكندرية بيانات الفهرسة - أثناء - النشر (فان)

دولة الحظ، ١٩٢٤ م. - الجيزة، مصر : مكتبة الإسكندرية، مركز توثيق التراث الحضاري والطبيعي، ٢٠٢٢.

صفحة ؛ سم. (المشروع القومي لتوثيق التراث المسرحي. من مكتبة الفنان علي الكسار؛ ١٧)

تدمك 978-977-452-634-0

١. المسرحيات العربية. ٢. الكسار، علي، ١٨٨٧-١٩٥٧. أ. مركز توثيق التراث الحضاري والطبيعي (مصر) ب. العنوان. ج. السلسلة.

2022571451790

ديوي - 892.725

ISBN 978-977-452-634-0

رقم الإيداع: 2022/21620

© مكتبة الإسكندرية، ٢٠٢٢.

الاستغلال التجاري

يحظر إنتاج نسخ متعددة من المواد الواردة في هذا الكتاب، كله أو جزء منه، بغرض التوزيع أو الاستغلال التجاري، إلا بموجب إذن كتابي من مكتبة الإسكندرية. وللحصول على إذن لإعادة إنتاج المواد الواردة في هذا الكتاب، يرجى الاتصال بمكتبة الإسكندرية، ص. ب. ١٣٨، الشاطبي ٢١٥٢٦، الإسكندرية، مصر.

البريد الإلكتروني: secretariat@bibalex.org

طُبِعَ في مصر

المحتويات

٧	تقديم.....
٩	الرائد الموهوب.....
١١	علي الكسار .. نبذة عن مسيرته الفنية
١٣	عن الرواية
١٥	شخصيات الرواية حسب ظهورها.....
١٩	الفصل الأول.....
٣٩	الفصل الثاني.....
٥٧	الفصل الثالث.....
أ	ملحق المدونات الموسيقية الأصلية



تقديم

يُعد المسرح من أهم وسائل الاتصال الجماهيري لدى الشعوب: فهو يوثق واقع المجتمعات، ويمس وجدانها، ويؤكد على المبادئ التي تحث على قيم المواطنة وقبول الآخر مهما اختلف جنسه أو عرقه أو دينه.

ولمصر مع المسرح «أبو الفنون» تاريخ طويل تمتد جذوره إلى بدايات المسرح الأولى، سواء أكان ارجاليًا حكائيًا أم مينيًا على تقنية خيال الظل التي كانت تُصنع شخصها من الورق المقوّى أو الجلد أو العرائس المتحركة.

ومع قدوم الحملة الفرنسية إلى مصر عام ١٧٩٨ عرفت مصر المسرح بصورته الحديثة، فتكونت فرقة «الكوميدي فرانسيز». وفي عام ١٨٦٩ شيد الخديوي إسماعيل المسرح الكوميدي الفرنسي ودار الأوبرا وأعدهما لاستقبال الوفود المشتركة في الاحتفالات الأسطورية التي أقامها لضيوفه بمناسبة افتتاح قناة السويس. كما أنشأ الخديوي في تلك الفترة مسرحًا آخر في الطرف الجنوبي من حديقة الأزبكية المطل على ميدان العتبة عام ١٨٧٠. وعلى هذا المسرح ولد أول مسرح وطني بريادة يعقوب صنوع وأبو خليل القباني وإسكندر فرح.



ومع بدايات القرن العشرين انتعشت حركة الفنون المسرحية في مصر. فكان المسرح الغنائي بعروضه الغنائية لسلامة حجازي وسيد درويش. والمسرح الدرامي لجورج أبيض ويوسف وهبي. وازدهر المسرح الكوميدي بصورة كبيرة. وحققت الفرق الكوميديّة نجاحًا هائلًا خاصة فرقتي علي الكسار وجيب الريحاني.

وحرصًا من مكتبة الإسكندرية على الاهتمام بالتراث الإنساني وتوثيقه في المقام الأول وتعريف الأجيال المتعاقبة بالتراث وتناقله: قام مركز توثيق التراث الحضاري والطبيعي. أحد مراكز قطاع التواصل الثقافي بالمكتبة. بتوثيق الأعمال المسرحية في فترة العشرينيات وحتى الأربعينيات من القرن الماضي لأحد أهم رواد المسرح المصري الفنان الكبير علي الكسار (١٨٨٧-١٩٥٧). الذي اشتهر بشخصية (عثمان عبد الباسط) النوبي. والذي قدّم ما يزيد على ١٠٠ عرض مسرحي. وعددًا من الأفلام السينمائية الناجحة التي لا تزال عالقة في الوجدان المصري والعربي.

وحرصت مكتبة الإسكندرية على عرض الأعمال المسرحية للفنان القدير كما جاءت في نصها الأصلي: حتى نحفظها أولًا من الاندثار. ونتيح للقارئ والباحث المتخصص التعرف على الحياة الثقافية والاجتماعية والسياسية لمصر في تلك الفترة المهمة من تاريخها. ومفردات اللغة المستخدمة في تلك العقود. وما كان لهذا التوثيق الرقمي (المشروع القومي لتوثيق التراث المسرحي- من مكتبة الفنان علي الكسار) أن يظهر للنور إلا بالتعاون الوثيق مع الأستاذ ماجد علي الكسار نجل الفنان علي الكسار.

وختامًا أمل أن تأخذنا هذه الرواية. التي أقدم لها. في رحلة تواصل بين الماضي والحاضر: لإحياء التراث الثقافي والتذوق الفني. ودعوة أيضًا لمواصلة مسيرة التوثيق في هذا التراث الإبداعي الخالد.

د. أحمد زايد

مدير مكتبة الإسكندرية



الرائد الموهوب

يمثل الفنان الكبير علي الكسار «١٨٨٧-١٩٥٧» علامة بارزة في تاريخ المسرح المصري الحديث. فعبر نصف قرن من العمل الجاد. منذ تأسيس فرقته المسرحية الأولى «دار التمثيل الزينبي». ١٩٠٧. أسهم الرجل في الحركة المسرحية. ثم جمع بين المسرح والسينما. وكان تنافسه الشرس مع نجيب الريحاني. في عشرينيات وثلاثينيات القرن العشرين. أداة مهمة في إنعاش المسرح ورواجه.

إذا كان الريحاني قد ابتكر شخصية كشكش بك. العمدة الريفي الساذج الذي يقع ضحية سهلة لناهبيه وسارقي أمواله. فإن علي الكسار يقترن بشخصية عثمان عبدالباسط. النوبي الطيب العفوي البريء كطفل.

كان علي الكسار رائدًا بحق في ساحة المسرح الارجالي الذي لا يتقيد بالنص المكتوب. ويتواصل مع جمهور الصالة في إطار خلاب من العفوية والتقارب الحميم. لكن مشكلة الرائد الموهوب تتمثل في غياب القدرة على الخروج من الإطار الذي لا بد أنه يضيق ويعجز عن مواكبة متغيرات العصر وتطوره. وقد انتقل الكسار بشخصيته المسرحية إلى السينما. فقدم أفلامًا ناجحة جماهيريًا بقدر ما أنها لا تملك مؤهلات البقاء والاستمرار.



لينتهي الحال بإغلاق مسرحه بالقاهرة بعد أن قدّم ما يزيد عن ١٦٠ عرضًا مسرحيًا، بالإضافة إلى العديد من الأفلام الناجحة. ويُسدل ستار حياته في مستشفى القصر العيني عن عمر يناهز الـ٦٩ عامًا بعد معاناة من الفقر والمرض.

وختامًا فإن المشروع الذي يتبناه «مركز توثيق التراث الحضاري والطبيعي» جدير بالاحترام والتقدير والاهتمام، ذلك أنه يتيح للقارئ والباحث فرصة معرفة صفحات بالغة الأهمية في تاريخ الفن المصري، ومن خلالها تطل شهادة صادقة عن المجتمع، سياسيًا واقتصاديًا وثقافيًا، في صعوده وهبوطه وازدهاره وانكساره.

مصطفى بيومي
ناقد وروائي مسرحي



علي الكسار .. نبذة عن مسيرته الفنية

(٧)

١٤٨

حضرة محمد بن عبد الله مبرادة السبيل الخاف
 بعد التمكن - وكان خطاب عنكم الذي يظهره فيه ذكره في القاعة سنة ١٩٧٧
 فزائداً أنه أذكر لكم منجزه القاعة منذ أن بدأته عمل كمثل كوميدي شيارا إلى البانامه
 المذكور والناظرين:

كوت أول فترة تمثيله تحمل أسره ١٩٧٧ وصلت إلى المسرح كازينو دي باري
 (سنتياغو دي بوير) حالياً وقد فاضت ككثيرا من الروايات الثغافيه والغالب الظاهر
 ذكر: محمد ابراهيم - سايهون باريس - أهازج السيسه - اللغه السيسه وغيرها
 من الرسومات الفرائد كآراءه

ثم انتقله إلى المسرح ماجيك الذي سبب لنا حفاً وهو أولنا إلى عمله المعروف
 المسرح الأستاديه صدى وكان ذلك في ١٩٧٩ وقد فاضت حتى ١٩٨٥ عهداً إلى
 اللغه وسبب روايات أول (الفترة ١٤) وأخيراً (سنتياغو دي بوير)
 بالوجهيه والروايات الكافيه التي لم تنته من عا حيداً على (محمد بن عثمان) ثم
 (مورديسك) (وقد فاضت إلى المسرح الماكيه في نفس المرحله إلى سنة ١٩٨٥
 الأستاديه في باريس محمد الكوميدي من السبب وقد أهداه صديقه وكاتب إلى
 ما استمته من التقدير ولقد لفتت حواسنا إلى الترتيب

وعلى أن خلاف جعل يتواريه هذا الماكيه أطلقنا المسرح رتانيا إلى
 هذا الكره (سنتياغو دي بوير) وكانه صاحبه ذلك لمرقه الجاهج والظروفه وعملنا به
 فترة سببوا إن كانت أفتيه بدرسه ١٩٨٥ وقد فاضت روايات =

الاسم اعلم - الففن والفقيه - أبو زيد علي

وكنا دائماً في كل عام نقوم برحلات إلى البرصوبه العنبر والبصر ونفرض إلى الصيف
 به مصيفه رأس ابن والاسكندريه بالزيتون زينا الذي كان صاحبه الجرح صاده
 كعب أبو صيف

وقد فاضت ١٩٨٧ أصعبنا نعمل علاقاتها لصم وحدد مسرح خاصه لنا فنعهد إلى
 مسرح حديثه المزيكيه ومصيفه برصوبه الجرح والقيام برحلات إلى الأقطار الثغافيه فلو
 وسوراي والبنامه



في ليلة نقتله لندستجار مع حديقه الزركية فوجدته مؤجرا الى فرجه اجنيه
 فاستجرت مع ليلى ملكه وعلقت به ستهن ماسه وجري ليلى واخذت به
 روايات : كما بدأنا كانه - حب عليه - فلان ابك - نوتة نوتة جرحه بانته اظلام
 ثم تمت به حليته الى الوجهه العليل والبري استقرت ستهن طير ليلى وعصيف
 بروعه المزعج بفرح كزينة لياسه : المنة سه ١٥ فطر الاله منه ١٧ وكنا نقدم
 كل يوم روايته سه رواياتنا السوتة

هذا من امة الشاه لرحه رأما الشاه السيناك نأه ملة عن
 نيم : نيم في الطال - احكام لعرب - ورد ساه - الهية ولد يقين خذاف
 ١١٧

والله ملة نيم - حاصه لعاره وما يسيب وكله على الله
 وأما اذا سألتم عن الدفلام ان تفر من ذكته فأذكر لكم :
 باب العاره - جنبه - فقير الدرکه - اللفران - حيا به
 ٧ - لفتن ٢ جنبه - نيم نين - ملة الماسه - النباله - ليا
 وكسبه حرمي - لار الدير والجاره الكليه - رحامة : العقب - وعينها ...
 ولواتن وميت لفرح الزه نين جلاله نينه عند لعل باسترار لمرال اسهر
 المرسم السويه وكله ؟

ومنه في انتظار المرسم الصينه هذا العام وعلى الله الاتكال
 والسعتم عليكم ورحمة الله وبركاته ؟ على الكسار

٢١ فبراير ١٩١٨



عن الرواية

قدمتها فرقة علي الكسار
مؤلف الرواية أمين صدقي
ألحان الرواية زكريا أحمد
عدد الفصول ٣
من أبطال الرواية^[١]: حامد مرسى في دور زقزوق، ورتيبة أحمد في دور الأميرة
عرضت على تياترو الماجستيك
تاريخ العرض ١٩٢٤/١٢/١١م^[٢]. وتجدد العرض في القاهرة بتاريخ ١٩٢٦/٣/٢٥م. ثم
أُعيد تمثيلها بتاريخ ١٩٤٣/١١/٢٧م
تم تنسيق المدونات الموسيقية كما وجدت بملف الرواية.



[١] ماجد الكسار، علي الكسار في زمن عماد الدين، مهرجان القراءة للجميع، مكتبة الأثر، سلسلة الأعمال الخاصة (د.م): الهيئة المصرية العامة للكتاب، (٢٠٠٣): ١٠٠، ١٠١، ١٦٢.

[٢] المصدر السابق، ٩٨، ٤٠٠. تم توثيق تاريخ العرض رجوعاً إلى صفحة (ب) من ملحق المدونات الموسيقية الأصلية.



شخصيات الرواية حسب ظهورها

أمير المملكة	الأمير بابا باظ الأول
كبير فلكيين الدولة	مرزا خان شور
حبيبة زقزوق	الأميرة شمس
زوجة السفير	السفيرة عزيزة
سفير الأمير كعب الدولة الأفغاني	السفير
صبي عثمان وحبيب الأميرة	زقزوق
تاجر مصري	عثمان عبد الباسط





علي الكسار

لا مانع من تسجيل كسرة الرواية

١٩٤٢/١١/٢٧



المجلد الاول سنة ١٩٤٢ - ١٩٤٣

المجلد (بسم الله) افغانيا دى . بقى انا ابيير با باط اولول بهلوله قدى
 مانيسه قار - پترة على عيسى دى . ثا واحد بدم نه شمسى اونو
 حكومتى . اما انا ها نمينه بالهو . معلوم . لانه الزا رده بعدة
 اربع ساعاته . ها ميمقل السبه بقا على هنا بعد ميلادى
 والعاره بقا عتي نه كل سنة . افغانى شمسى المحبوب .
 و استرق انظاره با معلم واحد منه العبريه باله افغانى زوق
 و لانه السنة دى . مانيسه نه كل مملكتى هبسى واحد مجرم بمسائه
 كه نفاقونى دايرسه اصبح متنفس بالشكل ده . و با تحرسه بكل
 افراد السقا . مملكتيه الازده واحد نفلط نه عتي . بمسائه ابيير
 معلوم . لانه لا موده مملكتيه ابدا . لازم الزا رده قبل الاحتفال
 ببيير ميلادى . اكوره عترة نه السوفى اللى ها يابوه منه
 نصيب افغانى زوق (لهم بالخدمه) ١٠٠٠ مرزا خانه شور
 ميرز ميه مولوى الابيير ؟

الفصل الأول

لحن الافتتاح

الجميع خدوا بالكم يا جماعه
إن أميرنا باباظ الأول
نزل من قصره متخفي
وبيتحرش باللي فايين
محدث عارف غرضه إيه
باباظ أنا الأمير باباظ الأول
محدث عارف إيه غايتي
آه ناس أههم
هو إنت اسمع يا أخينا
أحدهم لازم نحاذر منه
إيه رأيك كداهه بحريه
أحدهم يحيا باباظ
الجميع يحيا باباظ
باباظ ياما أنا متغاظ
هو إنت اسمع يا أخينا
بدي آخذ رأيك في عباره
أحدهم لازم نحاذر منه
باباظ إيه رأيك إنت واخوانك
أحدهم يحيا باباظ
باباظ ياسلام أما أنا متغاظ
يحيا أميرنا

لحسن سمعنا إشاعه
ألف اسم الله عليه
ولا حدش عارف ليه
الي رايعين واللي جاين
وبيتجسس علينا ليه
داير متخفي اتجول
في كل رعايا مملكتي
أما أسألهم
خد دول وتعا اقعد بينا
في أميركم ورئيسكم باباظ
برضك نسايسهم بالألفاظ
خد آدي سجاره
في حكومتكو ديهي الباباظه
يحيا أميرنا باباظ
وآدي ملعوي أهو باظ
يحيا ملكنا



يحييا كل رجال حكومتنا اللي بسهرهم كلنا فقنا من نومتنا
{أسعدها أمير في الدنيا دي مهما تكون أرواحنا في أيديه
يستحيل تتم سعادته إلا برضا شعبه عليه}{¹¹

الأمير : (بعد اللحن) آخ يا ناري. بقى أنا الأمير باباظ الأول بجلالة قدري مانيش قادر اعتر في كل رعيتي دي. على واحد يذم في شخصي أو في حكومتي. أما انا حاجنن ياهو. معلوم. لأن النهارده بعد ثلاث اربع ساعات. حا يحتفل الشعب بتاعي هنا بعيد ميلادي. والعاده بتاعتي في كل سنه. إني أسلي شعبي المحبوب. واشبرق أنظاره بإعدام واحد من المجرمين بألة الخازوق ولكن السنة دي. مافيش في كل مملكتي جنس واحد مجرم. علشان كده تلاقوني داير من الصبح متخفي بالشكل ده. وباتحشر بكل أفراد الشعب. يمكن الاقي واحد يغلط في حقي. علشان أجد مبرر لإعدامه. لكن لا موش ممكن أبداً. لازم النهارده قبل الاحتفال بعيد ميلادي. أكون عتريت في الشخص اللي حا يكون من نصيبه الخازوق. (يهم بالخروج) آه. مرزا خان شور

مرزا : مين. مولاي الأمير؟
الأمير : أيوه. انزل حالاً
مرزا : حاضر يا مولاي
الأمير : دا أكبر عالم فلكي في مملكتي ولازم آخذ رأيه زي عادتني. لأن مرزا خان شور الدوله ده. دراعي اليمين في وقت المعضلات
مرزا : (يدخل) ألف بردون يا أمير أمراء أفغانستان وكردستان ومرستان
الأمير : اسمع هنا يا مرزا خان شور
مرزا : مولاي
الأمير : خلاص شفت الطالع بتاعي النهارده
مرزا : لا لسه فاضل شويه يا مولاي. حاكم اللي أخرنني النهارده. إنه كان عندي طلبات كتير من الأهالي. علشان اشوف لهم طوالعهم
الأمير : إزاي. إنت بتشوف طوالع الأهالي كمان

[1] حذف الحوار ما بين (...).



- مرزا : لا موش كل الأهالي يا مولاي. العظماء منهم بس. وحتى جلاتك^[1] اللي
صرحت لي بكده ديك النهار
- الأمير : آه. أيوه صحيح. ودا علشان إن ماهيتك قليله
- مرزا : قليلة قوي. يا أمير أمراء أفغانستان وكردستان ومرستان
- الأمير : إنت بتاخذ ماهيه كام دلوقت
- مرزا : ثلاثين جنيه في الشهر بس
- الأمير : أوه صحيح. قليله قوي
- مرزا : إش لازم حا يزودني
- الأمير : يعني موش ممكن انتظر منك إخلاص كبير. في مقابل الماهيه دي
البسيطة موش تمام
- مرزا : تمام قوي. لأن الإخلاص أبو ثلاثين جنيهه طبعًا يبقى إخلاص أورديناري^[2]
يا مولاي
- الأمير : ولذلك أنا فكرت في طريقه كويسه. علشان أضمن بها إخلاصك لي
- مرزا : طريقة إيه يا مولاي
- الأمير : دخلتك في الوصيه بتاعتي بعد موتي الملوكان
- مرزا : بالذمه صحيح
- الأمير : تحب أقول لك على البند اللي يختص بك في وصيتي
- مرزا : دا يبقى تعطف من جلاتكم^[3]
- الأمير : البند فيه كده بالحرف الواحد. أنا الأمير باباظ الأول. إلى آخره
- مرزا : كويس
- الأمير : أريد أن المدعو مرزا خان شور أكبر علماء وفلكيين الدوله
- مرزا : كويس
- الأمير : يدفن معي في قبر واحد. بعد وفاتي بربع ساعه
- مرزا : خبر اسود
- الأمير : وده لاعتقادي إن دا شيء يسرك. لما تلازم أميرك ومولك حتى في عالم الأموات

[1] تغيرت: سموك.

[2] كلمة باللغة الفرنسية «Ordinaire» وتعني «عادي».

[3] تغيرت: سموكم.



- مرزا : مرسي يا مولاي
 الأمير : إيه موش مبسوط
 مرزا : مبسوط قوي يا مولاي. الله يطول في عمرك قوي قوي يا مولاي
 الأمير : ودلوقت إنت عارف إن بعد كام يوم. جلاتي رايحه تتجوز. موش كده
 مرزا : آي نعم. حا تتجوز البرنسيسه شمس الشموسه. بنت جارنا الأمير كعب
 الدوله الأفغاني
 الأمير : مطبوط. وحتى بلغني إن الأميره زمانها جايه في السكه. أيوه. لأني في ني تي
 حتمًا. إني أجيب لي باباظ صغير. يكون خليفتي على العرش إذا مت
 مرزا : مت. الله لا يقدر. تف من بق جلاتك^(١) يا مولاي
 الأمير : فدلوقت بالمناسبه دي. عايزك تطلع الرصدخانه بتاعتك دي حالًا. وتسال لي
 الكواكب. عما إذا كان صحيح حا يجيلي ولي عهد من عروستي الجديده. والا لأ
 مرزا : حالًا يا مولاي. بس اسمح لي جلاتك إني أوصل لحد بيتي أجيب النضاره
 الجديده المعظمه التلسكوب
 الأمير : طيب روح. وانا في الأثناء دي. حالف لفه في البلد. يمكن أعتري في المجرم
 اللي حا يكون من نصيبه الخازوق
 مرزا : تحب يا مولاي أوصلك؟
 الأمير : طيب تعالى. لأن سكتنا واحده. بس اوعى تنسى يا عزيزي نص البند
 إيه. إن المدعو مرزا خان شور. أكبر علماء وفلكيين الدوله. يدفن معي
 بعد موتي بربع ساعه
 مرزا : ألف بعد الشر عليك يا مولاي (يخرجان)
 (يدخل السفير والسفيرة والأميرة شمس ويقولون لحنًا)

آدحنا أهه وصلنا بعد ما دخنا من السفر
 وحيلنا إنهد والواحد كفر
 وكل الشحطه دي من غير كلام كثير
 لازم سببها إنت يا حضرة السفير

[١] تغيت: سموك.



هى دلوقت إن حد جالنا فى سكتنا وسألنا
 وقال لنا إنتو إيه نروح رادين عليه
 إحنا تجار نيله فصوص سبح وافمام كهرمان
 منعنشات مفرفشات منعنشات وشاي كمان
 الأُميرة أنا إن حد سألني أقول له أنا تاجرة مباسم ولوي
 مين شاف مبسم زي داهه ولوي زي داهه قولوا لي
 السفيرة وانا إن حد سألني أقول له دي بضاعتي دي تفك الضيقة
 منعنشات مفرفشات اللحسة^[١] منها بحريقة
 السفير وانا إن حد سألني أقول له أنا تاجر وبضاعتي جميله
 من غير لا كلام ولا غيره محسوبكم أنا تاجر نيله

السفير : دلوقت يا جماعه. خدوا بالكم كويس. لأننا بقينا في مملكة الأمير باباظ الأول

السفيرة : الحمد لله. إنما إيه رأيك في المشوار ده يا أميره شمس

الأُميرة : حقّه. مشيتنا كتير يا حضرة السفير

السفير : معلش يا أميره. امشوا تصحوا

الأُميرة : لكن انا باستغرب. بس إيه غرض الأمير بابا من السفيره دي كلها

ومارضيش يقول لي ليه. وإيه السبب في كوننا مسافرين متخفين بالشكل ده

السفيرة : صحيح. ما تفهمنا إيه السبب ياسي جوزي

السفير : هس إنت يا حضرة السفيره. أنا بصفتي الجنرال مرزا خان خليل الدوله

وسفير الأمير كعب الدوله الأفغاني. ومكلف من قبل مولاي الأمير بمأموريه

سريه. لازم انفذها بكل تكتم واحتياط أنا رجل سياسي

شمس

والسفيرة : إف. دا شيء يعل

[١] تغيرت: الحنة.



السفيرة : طيب وبرضه من مستلزمات السياسة بتاعتك دي إنك طول السكه
واحنا مسافرين. فضلت تقدم الأميره شمس للناس بصفتها مراتك
السفير : معلوم. دا برضه اسمه ضرب من ضروب السياسة. ماتعرفيش يا سفيره
عزیزة. إني إذا قلت الحقيقه زي ما هي على بساطتها. وذكرت كل شيء
بصراحه. ما ابقاش رجل سياسي

الأميرة

والسفيرة : آدي السياسة والا بلاش

الأميرة : طيب دلوقت يعني موش في إمكانك إنت تقولي. إيه المأموريه
السياسيه دي اللي إنت مكلف بها من بابا
السفير : لما يجي الوقت المناسب تعرفي كل شيء يا مولاتي

السفيرة

والأميرة : غريبه دي

السفير : آه. آدي لاجل بختنا لوكانده كويسه أهى. تعالوا بنا ننزل فيها نستريح
شويه. لحد ما انتهى أنا من مهمتي. اتفضلوا

الأميرة : طيب اتفضل قدامنا ياسي جوزي

السفيرة : آه. إنت بالك

السفير : لا. دا مؤقتًا مؤقتًا (يخرجون بختام اللحن: دلوقت إن حد)

الجميع : (يدخلون ويقولون لحن استقبال عثمان وزقزوق)

يا حليلة تعالوا يا جماعه شوفوا الاتنين الأغرأب دول
لازم بياعين مصريين من بلاد الأهرام وأبو الهول
ياميت أهلاً ياميت سهلاً ياميت مرحب يا مرحبتين
لازم نحتفي بهم خالص ونحييهم عالصافين
بنات عندكو إيه يا ادلعدي فرجنا ع البضاعه دي
عثمان رد عليهم يا صبي بس إوعى تقول حادي بادي
زقزوق إحنا نبيع يا نور عيني شيلان ومناديل خفه وعصري
صنعة ولادنا وبنات بلادنا بضاعه أبو عفان^[1] المصري

[1] عثمان عبد الباسط معروف أيضًا باسم أبو عفان وأبو سره.



الجميع سيد من يستفتحك لازم نبحبك
يا عثمان يا خفه تعالى بنا نفسحك
ما دام انتم أغراب وجيتوا لحد هنا
دي جميلة منكم ما ننسهاش كده الشهامه والإنسانيه
كده الحفاوه والا بلاش إيه رأيك إيه في الحفاوه ديّه
عثمان دا شيء بسيط ماتستغريش دول زينا موش غربيين
النخوه دي وحب الغريب دا شيء في دم الشرقيين
الجميع يا ألف مرسي يا بو سمره يا خفه يا رايق
يا اللي كلامك ينعنش قلب المتضايق
شوفوا الظرافه شوفوا اللطافه
أهلا بكم يا نور العين الخفه دي جبتوها منين
عثمان إحنا كدا يا ولاد النيل لطف وذوق خفه وراسيين
أولاد كرام نرعى الزمام كفايه إننا مصريين
تعا نزفك يا بربرينا شيلوه ولفوا وباللا بينا
(يخرجون بعثمان)

زقزوق : (بعد اللحن) الله الله. دول واخدين عم عثمان ورايحين على فين. لكن
ما فيش خوف. ودول لازم مبسوطين من شكله بس. يا سلام شوف الجماعه
فرحانين بنا قد إيه لما عرفوا إننا أغراب ومصريين. إلا بلاد العجم دي
كمان. أنا عارف إيه اللي كان طلع في عقل عم عثمان وخلاه. بجيبنا هنا
علشان نبيع البضائع المصريه اللي معنا دي. الغايه بقى. الحب دا كان
شيء مقدر ومكتوب عليّ

عثمان : (من الخارج) الله يجازيكم.. دا إنتو ملاحيس قوي

زقزوق : تعالى يا عم عثمان تعالى قول لي. إزاي عرفت تخلص من الجماعه دول

عثمان : دول كانوا عايزين ياخدوني لهم

زقزوق : إزاي؟



- عثمان : عارف الراجل القصير اللي كان هنا. بيقول للطويل إيه. هاته نحطه عالبر ده
- زقزوق : يظهر إنهم هنا بيحبوا كل واحد يكون غريب عن البلد دي
- عثمان : أعود بالله. دول محدثين أغراب
- زقزوق : لكن إحنا فين هنا دلوقت يا عم عثمان. إيه يا ترى اسم البلد دي اللي دخلناها دلوقت
- عثمان : إحنا هنا دلوقت في المملكة بتاع واحد اسمه الأمير باباظ الأول
- زقزوق : الأمير باباظ ده إيه كمان
- عثمان : يعنى زي ما تقول الأسطى الكوماندو اللي حاكم على كل البلاد دي
- زقزوق : آه. يعنى ملك^[١].. والله إن جيت للحق يا عم عثمان. أنا مصر وحشتني قوي. وابتديت اتضايق من بلاد الأعجام دي
- عثمان : معلش طول بالك. العبارة كله كام يوم. لحد ما نصرف البضاعه اللي ويانا دي. وتتنا رايعين على مصر تاني
- زقزوق : آه يا ريتنا ما كنا جينا هنا يا ريت
- عثمان : آسف علشان إيه يا وله. جيعان
- زقزوق : يا ريت
- عثمان : تعبان. عيان
- زقزوق : يا ريت
- عثمان : آه. لازم الولد بيحب الملعون
- زقزوق : في الحقيقه أيوه يا عم عثمان. أنا ماخبيش عليك حاجه أبدًا. لأنك إنت اللي مرييني من صغري. وماليش حد غيرك بعد المرحومه أمي
- عثمان : معلش. طول ما أنا موجود في الدنيا دي. أمك وياك ما تزعلش. لكن قول لي. اللي انت حبيتها هنا دي. جنسها إيه. عجميه؟
- زقزوق : يظهر كده
- عثمان : عجميه!
- زقزوق : أيوه

[١] تغيت: أمير.



- عثمان : برضا فكره. علشان لما يجوع يروح واكلها
- زقزوق : بقى إنت ماخدتش بالك من الاتنين الستات اللي كانوا ماشيين قدامنا النهارده. واحنا داخلين عالبلد دي
- عثمان : الاتنين الستات. آه. اللي كان وياهم الراجل الأزرق أبو شبات كبيره ده
- زقزوق : آه. أما جمال صحيح
- عثمان : مين! الراجل الأزرق؟
- زقزوق : لا يا شيخ. الشابه الصغيره فيهم أم مشلح أزرق دي. اللي بقت تبص لي وضحكت لي بييجي خمس ست مرات. إيه رأيك فيها
- عثمان : آه. والله حبيب قراري يا مضروب. لكن دي حا تقدر توصل لها ازاي وانا وانت لسه على باب الله والدكان لسه ما استفتحتش أهى
- زقزوق : أيوه انا عارف غطسوا راحوا فين بس. انا عارف تاهوا منا ازاي دول
- عثمان : يعني إيه الرأي دلوقت
- زقزوق : الرأي إني اروح ادور عليهم في كل شوارع البلد دي. لحد ما اعتر فيهم
- عثمان : تعالى هنا. تدور عليهم فين واحنا أغراب في البلد ويمكن تتوه والا حاجه
- زقزوق : لا ما تخافش. خليك إنت هنا استناني لحد ما ارجع لك. لحظه واحده بس
- عثمان : طيب روح آديني حاستناك هنا
- زقزوق : الله يخليك يا عم عثمان
- عثمان : بس حاسب على روحك. لما تلاقي نفسك تهت والا حاجه. تعالى إديني خير
- عثمان : مسكين الولد. صعب عليّ خالص. لأني أنا كمان مجرب الحب. دا ملعون لما يمسك في جسم الواحد. يبقى فشر المرمايزم
- مرزا : (يدخل ومعه نظارة) آه. آديني جبت أقوى نضاره لاستطلاع سر الكواكب
- عثمان : ودا إيه اللي عامل زي ورق الكتشينه ده بردون يا والدي. إنت إيه روا والا قاله^(١)
- مرزا : أنا يا ابني عالم
- عثمان : عالم!

[١] روا بالفرنسية «Roi» وتعني: ملك الكوتشينة، وقاله بالفرنسية «Valet» وتعني: ولد الكوتشينة.



- مرزا : أيوه
- عثمان : عالم بالحال؟
- مرزا : لا. يعني أعرف كويس في الفلك
- عثمان : الفلك
- مرزا : أيوه. وانت
- عثمان : لا والله أنا لسه ماوصلتش للفلك
- مرزا : شيء لطيف. إبدأ بقى حضرتك مانتاش عالم
- عثمان : لا والله أنا موش عالم بحاجه أبدًا
- مرزا : يعني ما تزلعتش في العلم
- عثمان : تزلعت ازاي بقى
- مرزا : يعني ما تبجرتش
- عثمان : لا ما تبجرتش. أنا اتغربت أهه بس
- مرزا : آه. يظهر إن حضرتك غريب عن البلاد دي
- عثمان : أيوه غريب من مصر. و حضرتك بتشتغل في إيه هنا. عالم كده وبس
- مرزا : أيوه يعني بارصد الكواكب واشوف فيها طوالع بني الإنسان
- عثمان : بالذمه
- مرزا : تحب أشوف لك الطالع بتاعك
- عثمان : الطالع النازل. أهه شوف والسلام. باين عليه طيب الراجل الفلكاوي ده
- مرزا : قرب هنا بقى. كفك
- عثمان : مرحب
- مرزا : لا لا. كفك يعني بدي أقرأ الخطوط اللي في كفك أولًا
- عثمان : آه كويس. شوف كده إذا كنا حا نجبر البضاعه اللي ويانا دي. والا حا نقعد على وقف الحال كده
- مرزا : هو هو هو
- عثمان : خير إنشالله



- مرزا : إنت حا تعيش لحد ميت سنة يابني
- عثمان : كويس
- مرزا : دا اللهم إلا إذا حصل لك مرض أو شيء في خلال المدة دي
- عثمان : إخص
- مرزا : ولكن الطالع في الكواكب. يكون أصدق من قراية الكف بكتير. بس إذا حبيت بقى لازم ترمي..
- عثمان : أرمي إيه
- مرزا : بياضك
- عثمان : بياضي والا سوادي
- مرزا : لا يعني أجرة الطالع بتاعك. شيء بسيط. اللي يخرج من الذمه
- عثمان : والله الذمه مقرطه قوي اليومين دول. ويأي جوز شراب صوف أهه
- مرزا : عظيم أهه يدي في الشتا. إنما قل لي بقى. إيه اسم أبو سمره واسم أمك
- عثمان : ضروري أمى
- مرزا : أيوه علشان حساب الفلك
- عثمان : الفلك عاوز أمى
- مرزا : أيوه
- عثمان : اسمي عثمان بن عبد الباسط
- مرزا : وأمك
- عثمان : اسمها حليلة
- مرزا : كويس. آديني طالع على الرصدخانه دلوقت علشان اشوف طالع الأمير باباط الأول أمير البلاد دي. وفي الوقت نفسه أشوف لك الطالع بتاعك كمان
- عثمان : بس نقى لي طالع يكون سمين على كيفك. الشراب اللي إنت واخده ده فلتكوس.. يا ترى الولد صبي زقزوق غاب كده ليه. ما داهيه لا يكون جرى للولد حاجه. يا ولد يا زقزوق. يا زقزوق مرزا خان أفندي
- زقزوق : (يدخل) إيه يا عم عثمان



- عثمان : آه. تعالیٰ هنا یا وله. إنت رحى فین؟
- زقزوق : آه. آدینى فضلآ ألف لما قلت بس. موش عارف غطست راحآ فین
حبیبة قلبى دى
- عثمان : یا شیخ سببک دلوقت من الحب والكلام الفارغ ده. خلى بالك على بال
ما ارواح اشوف أى حاجه ناكلها
- زقزوق : طیب روح یا عم عثمان
- عثمان : بس حسك عينك تتعتع من هنا
- زقزوق : لا ما تخافش. أنا حتى حانام لى شویه
- عثمان : أحسن شىء تنام. دى مسألہ مجربها أنا. كل ما يتقل عليك الحب نام له
(يخرج)
- زقزوق : آه یا ملاكى المعبود. الغايه أما اشوف أحاول يمكن يجينى نوم. يمكن
اشوف طيفها فى المنام وابد نار حبى. آه (ينام)
- السفير : (داخلاً) أيوه. آدینى بانئہ عليكم. اوعوا تنتقلوا من هنا لحد ما ارجع
لكم. واحذروا إنكم تظهروا شخصيتكم لحد
- أميرة
- وسفيرة : لا ماتخافش
- السفير : بس مسافة ما اوصل لحد قصر الأمير باباظ الأول. وابلغه المهمه اللي انا
جاي بخصوصها رسمياً وتنى جاي. أورفوار
- أميرة
- وسفيرة : أورفوار
- السفير : أما نسوق النفخه والعظمه بقى السياسه عايزه كده (يخرج)
(رقص - الملايكة - حلم)
- زقزوق : آه یا إلهى. إيه الحلم اللذيذ اللي شفته دلوقت. آخ یا ربي. یا ترى اللي
باحبها دى مين عارف إن كانت فقيره زبي والا أميره والا متجوزه والا...
آه یا إلهى. أما حقيقه الحب جنون ولا شك
(يقول لحن)



ليه كل حبيب كداهه في حالتي بيقول عيني سبب كربي
 إيه ذنب عيني وحببتي باشوفها وباسمعها بقلبي
 من نظره واحده سحرتني وخذرت كل حواسي
 يا هل ترى راح يسعدني حظي بها والا أقاسي
 كل نظره من عيونها فيها وعهد لهجتي
 كل ابتسامه منها زي بوسه لشفتي
 الحب دا شيء لا بد منه مافيش لقلوبنا غنى عنه
 حتى الهمج دول حتى الوحوش اللي في الجبال ما يجهلوش
 حاجه اسمها حب ولا غرام
 الحب دا شيء لا بد منه مافيش لقلوبنا غنى عنه
 ما دام بإخلاص وائتلاف مبنى على الشرف وعلى العفاف

- السفيرة : (بعد اللحن) تعالي يا أميره ماتخافيش؟ أما نشوف إيه الصوت الحلو ده
 زقزوق : إيه!
 الأميرة : بس أنا خايفه لا...
 زقزوق : آه. أصرر أما اشوف حا يقولوا إيه
 السفيرة : أهه لاجل بختنا مافيش هنا
 الأميرة : بس انا خايفه لأن الجنرال نبه علينا إننا مانطلعش من هنا
 السفيرة : يا شيخه سيبك بلا جنرال بلا.. آه. إيه اللي نايم ده
 الأميرة : دا لازم الجدع اللي كان بيغني دلوقت
 السفيرة : تعرفي إن شكله موش بطال
 الأميرة : أيوه موش بطال أبدًا
 السفيرة : من حق اصبري اصبري. الجدع ده أنا موش فاكهه اتخايلت به فين
 الأميرة : في السكه واحنا جايبين على هنا النهارده



- السفيرة : آه أيوه مضبوط. على كده إنتي كنتي واخده بالك منه
- الأميرة : بكل تأكيد
- السفيرة : آه كده بقى
- الأميرة : بس ياللا بنا نخش دلوقت. أحسن انا خايفه لا يصحى واحنا كده جنبه
- السفيرة : أيوه لك حق
- زقزوق : إمسك حرامي
- أميرة
- وسفيرة : آه
- زقزوق : أنا يستحيل أسبيكم دلوقت. إلا إذا قلتوا لي إنتو حالاً مين
- الإثنان : إحنا...!
- السفيرة : إحنا تاجر يا مسيو. أنا تاجرہ منعشات ومفرفشات
- زقزوق : وحضرتك يا ملاكي
- الأميرة : وانا تاجرہ مباسم ولولي
- زقزوق : يا وعدي. طيب ومين الراجل الأزرق أبو شنبات كبيره اللي كان وياكم ده. جوزك؟
- الأميرة : لا دا واحد تاجر زينا
- زقزوق : تاجر إيه
- السفيرة : تاجر نيله
- زقزوق : إخيه. أنا خفت ليكون جوزك
- أميرة
- وسفيرة : دلوقت ياللا سيبنا بقى
- زقزوق : آه يا حياي (يقبل يدها)
- الأميرة : يا خبر
- السفيرة : إزاي يا راجل إنت تبوس إيدها كده. بأي حق
- زقزوق : بأنهي حق! بحق اننا أولاد طايفه واحده



أميرة

وسفيرة : إزاي ده

زقزوق : لأني انا تاجر زيكم. والدكان بتاعي أهه

أميرة

وسفيرة : صحيح؟ وبتبيع إيه

زقزوق : بابيع مناديل وشيلان بتترت شغل مصر بلادنا

أميرة : يا سلام بقى حضرتك مصري

زقزوق : أيوه يا روعي^[١]

الأميرة : طيب اصبر اما اتفرج كده

السفيرة : أيوه تعالى فرجنا

زقزوق : يا سلام المحل تحت أمركم

الأميرة : يا سلام. أما شال في غابة الخفافه. يا وعدي يا وعدي

السفيرة : حاجه سمباتيك خالص

السفير : (يدخل) آديني رحمت مالقيتش الأمير في سرايته. يا خبر مراقي والأميره

شمس مع راجل. ما شاء الله

أميرة

وسفيرة : يا خير

السفير : أنا موش منبه عليكم إنكم ما تخرجوش من باب الأوتيل ده أبدًا. وانت

يا حضرة المسيو. إوعى تاني مره توريني وشك. بعد ما كونك تتجراً كده

وتكلم الست مراقي دي

زقزوق : مراته!

الأميرة : مرأة مين؟

السفير : هس أنا في عرضك يا أميره. أحسن بعدين تلخبطي لي كيان المهمه

السياسيه بتاعتي.. باللا جوه. اتفضلي يا مراقي

أميرة

وسفيرة : الغايه أمرنا لله (يخرجون)

[١] تغيرت: سئي.



- زقزوق** : مراته قال مراته. آه يا خيبة أمني. بقى الملاك السماوي دي. تبقى مرآة
الوحش ده. ولارزيتش تقول لي. آه. لا. خلاص حيث كده بقى يستحيل.
ما بقاش لي أقل أمل في الحياه (بيكي)
- عثمان** : (يدخل) إخص على دا بخت زي الطين. حتى الفلوس اللي حا نجيب
به أكل يقع لآخر. وله يا زقزوق. مالك بتعيط ليه. وقع منك فلوس
إنت لآخر
- زقزوق** : آه يا عم عثمان. أنا خلاص راح نتجنن خلاص
- عثمان** : علشان إيه راح تتجنن
- زقزوق** : علشان شفت اللي أنا باحبها دلوقت أهه بس
- عثمان** : وعلشان كده ناوي تتجنن؟
- زقزوق** : لأ. وانما اتضح لي إنها متجوزه. وتعرف متجوزه مين
- عثمان** : مين؟
- زقزوق** : الراجل الأزرق أبو شنبات كبيره ده. أتايه تاجر. تاجر نيله
- عثمان** : أجرئه باين على وشه الزرقان الملعون
- زقزوق** : يعني خلاص مافيش أمل في حبها. خلاص مافيش أمل (يهم بالخروج)
- عثمان** : الله. رايح على فين يا وله
- زقزوق** : رايح ألف في البلد شويه. لحد ما اروق وارجع لك تاني (يخرج)
- عثمان** : الله الله. وله يا زقزوق. إخص. أنا خايف لا الولد يعمل في روحه حاجه.
ويموت في الغربه كده فطيس
- الأمير** : (داخلاً) آدبني قلبت البلد ما أمكنيش ألقى واحد من نصيبه الخازوق النهارده
- عثمان** : الله ينعل الحب. وسنة ما طلّعوا الحب
- الأمير** : أيوه. واحد زرابينه طالعه أهه
- عثمان** : الله ينعل أبو دا كان مشوار. على أبو اللي شار عليّ به (يهم بالخروج)
- الأمير** : اسمع هنا يا...
- عثمان** : إيه عايز إيه إنت كمان. روح لحالك روح



- الأمر : (لنفسه) دا باينه قبيح أحسن. قل لي هنا يابو سمره إنت
- عثمان : وبعدين وياك يا ثقيل إنت
- الأمر : إيه رأيك في الحكومه الباباويه
- عثمان : باباويه إيه.. وزفتية إيه. {أنا مالي ما تندعق إنت والحكومه بتاعتك سوا
- الأمر : إيه. اندعق انا والحكومه بتقول^[1]}
- عثمان : ماهو إن ماكتتش تروح من وشي دلوقت. ارفع لك اصداغك وستين سنه
- الأمر : إيه. طيب رقع كده أما اشوف
- عثمان : اللهم اخزيك يا شيطان. يعني خلاص صمصمت على كده
- الأمر : أيوه
- عثمان : طيب هه (يضر به)
- الأمر : آه برافو برافو. يا مرزا خان شور. آديني لقيت الراجل اللي بادور عليه
- مرزا : طيب. أما اخلص الطالع اللي في إيدي واجي لك حالاً
- عثمان : إنت يا بتاع الفلك. جيب الشراب اللي وياك لاطلع أطبق الفلك على راسك
- الأمر : عايزه ليه بتاع الفلك. علشان يشوف لك الطالع بتاعك؟
- عثمان : إنت مالك بس يا بارد. إنت جنسك إيه
- الأمر : عايز تعرف جنسي إيه. يا عسكر يا حراس
- (يدخل الجميع ويقولون لحن ختام الفصل)

لحن العسكر «الحرس»

الجميع مولاي آدحنا جينا أهه فيه أمر إيه ننفذه
الأمر مولاكم اتلحس قلم من الراجل الأسود^[2] داهه
الجميع يا نهارك أسود دي وقعتك حا تكون كده بلون خلقتك
إزاي تهين أميرنا ده لازم نضحج جتتك
عثمان طيب ما دام إنت الأمير خليتني ليه أهزأك

[1] حذف الحوار ما بين (...).

[2] تغيرت: الأسمر.



٤٤

+ جرحه و فقده

صانع حسن	درین مدتی. آنرا بقتل آید. در وقت و آنجا باره لکوانی است	ن
بعثت باره و عشره ساعه	به اطلاع تبا عن رفیق بطاعه را بجهت ده. یعنی از مات هم آنرا بگویند	
سیدنا انوارون راه	ها تو ایورج تبا عن	و
دستاره یا هوس	آنصل هند را عن	
سجده بفضیله صد ساله	کحل ایام دور و در حال	بمسح
اهل الدنیای را بیاکت	صد عشره صیت مایه ستم	نما
یوم غسل یوم بصل	یوم خازون یوم هند	
و اولی بگویند نه من صغیر	سلاحه قوع ربنا	
ما دام نظاموم ما دم برکت	للبیزوم بیاض الفنا	

==

ستاره

الفصل الاول لا اله الا الله



ماقلتليش ليه إنتت مين
 الأُمير دلوقت يا أولادي
 عيد ميلادي السنه دي
 لازم حلالاً مُوته
 عثمان يا ناس أنا في عرضكم
 شوفوا لي موته تانيه
 الجميع حقه موته الخازوق ده
 دي أُلذ موته يابو سمره
 الأُمير شاييف الكرسى داهه
 دا العلاج هنا في بلادنا
 لما آجى ابتيدي
 {يطلع السلاح لفوق
 هاتوه امسكوه
 (يدخل) مولاي. إنت بتعمل إيه. دلوقت وانا بارصد الكواكب. شفت إن الطالع بتاعك
 مرتبط بطالع الراجل ده. يعني إذا مات حتمًا إنك حاقوت بعده باربعة وعشرين ساعه
 الأُمير شيلوا الخازوق داهه
 وسننوده يا هوه
 الجميع سبحان المغرِّ من حال لحال
 عثمان أهى الدنيا دايماً كده
 يوم عسل يوم بصل
 واللي يكون زيي ضعيف
 ما دام مظلوم ما دام بريء
 من قبل ما أهزأك
 أنا مبسوط وهايص
 حا يكون مستوفي خالص
 هاتوا الخازوق لحضرته
 أعمل كمان بردون لكم
 وخلوا الخازوق لكم
 مافيش أحسن من كده
 يكفني بغددة
 دا سلاحه منه فيه
 لكل مجرم أو سفيه
 بواسطه اليد دي
 تلبس الخازوق بذوق^[١]
 جرجروه وقعدوه
 اتفضل خد دراعي
 لكل أيام دوله ورجال
 من عُشرميت مليون سنه
 يوم خازوق يوم هنا
 سلاحه قوه ربنا
 لا بد يوم يبلغ المننا

ستار

[١] حذف البيت بأكمله.



الفصل الثانی

وَقَدْ تَمَّ لِمِيرِ بَابَا نَال . رَقَص . اَجْمَعُ فَيَقُولُ لَهَا :-

يا سلام اسم على حرفه

انزاي تمام عينا

عند له وار فصوله

ارمى الفز لونه وادي لجرم

يا لاد ز فوله و قوم انطه

يا سلام اسم على حرفه

قططم وفر صوابنا

دولة انظ ما فيه عينا

ما هو في عمية الله ما ليننا

يا سلام اسم على حرفه

والله طيب على دولة انظ دي يا هوى

آه . انت لينا يا مير عتاه او غلى

ايوح يا امير باباز و غلى


يا سرز اخانه شور

مولوى

الراجله ساعن قلدى و مخوفنى قولى . لرم عتدى لى انه يابونه قولى

البنيه . و صمته جديت

(مخبر هو به و عتقى عتقى)



الفصل الثاني

في قصر الأمير باباظ. رقص. الجميع يقولون لحناً.

يا سلام سلم على دي حفله لازم ناخدها صباحي
إزاي تنام عنينا والقلب متهني وصاحي
غنواله وارقصواله الصفا ده مين يطوله
آدى الغزلان وآدى الخمره مين زيك إنت يا بسمره
ياللا زقطط وقوم اتنطط ونقول كلنا يا سلام
يا سلام سلم على دي حفله لازم ناخدها صباحي
زقططم وافرحوا بنا الحظوظ دي قوت قلوبنا
دولة الحظ مافيش غيرها إنت ملكها وأميرها
ملحة في عين الي ما يسندنا ويقول ويانا يا سلام
يا سلام سلم على دي حفله لازم ناخدها صباحي
(يخرجون ويبقى عثمان)

عثمان : والله طيب على دولة الحظ دي ياخويا
الأمير : آه. إنت هنا يا أمير عثمان أوغلي
عثمان : أيوه يا أمير بابازوغلي
الأمير : يا مرزا خان شور
مرزا : مولاي
الأمير : الراجل ده شاغل فكري ومخوفني قوي. المهم عندي بس إنه يكون
قوي البنية. وصحته جيده
مرزا : ربنا يسمع منك يا مولاي
الأمير : (يقترب من عثمان) هس. اقف دوغري
عثمان : هيه. نلرقه



- الأمریر : یا مرزا خان شور
مرزا : مولای
الأمریر : خبط له على ضهره
مرزا : حاضر (یخبط)
عثمان : إنت رایح فین یا بتاع الفلك
الأمریر : هس. طول بالك
عثمان : لا یا سیدی أنا باغیر من ضهری
الأمریر : أصبر شویه. خد نفسک. کویس خالص. صدره فی غایة العال. إنت حا تُصمّل
کتیر یا ابنی
عثمان : لا صح صمولی على کیفک
مرزا : آه یا فرحتی یا فرحتی (یُقَبَله)
الأمریر : آه یا حبیبی یا روحی (یُقَبَله)
عثمان : آه. والله وقعت فی إید العجموغلیه یابو عفان
الأمریر : قول لی بقی. إنت موش لابس تحت هدومک دی فانلات
عثمان : لأ. لابسهم کده عاللحم
الأمریر : عاللحم بتقول؟
مرزا : ما داهیة لیطوله برد
الأمریر : لازم تلبس فانلات. إلا موش لابس فانلات دی کمان. أنا عارف ازای
أهلیک بس عودوک على کده
عثمان : لأ مانا مالیاش أهل یا مولای
الأمریر : إزای
عثمان : اتوفوا کلهم
الأمریر
ومرزا : خبر اسود
مرزا : کان عمرهم قد إیه لما اتوفوا



- عثمان : إشي أربع سنين وإشي سته
- الأمير
- ومرزا : يادي الداهيه
- عثمان : وأبوي مات عمره خمس سنين
- الأمير : إنما إيه المرض اللي ماتوا به أهلك دول. إيه
- مرزا : أيوه إيه
- عثمان : لا ما ماتوش مرضانين. ماتوا غرقانين
- الاثنين : الحمد لله
- الأمير : يا مرزا خان شور
- مرزا : مولاي
- الأمير : أهله ما ماتوش إلا غرقانين بس. يا فرحتي يا فرحتي
- مرزا : يا حلوللي يا حلوللي
- عثمان : الله الله. عن الجنان فلا تسلم. هه إخص. دول بيسكوا على البيبان خازوق. والولد زقزوق مسكين زمانه داير يدور عليّ لما داخ. مسكوك برضه شرحه مسكوك. ومن الناحيه دي فيه الحراس. وبعدين بقى يابو عفان آه. اصبر أما ننط من الشباك ده. برضه الشباك عالي وتحتة بحيره ما يهمش أنا في العوم زي العفريت. أما ناخذ الملايه دي ونربطه هنا في حرف الشباك. وننزل نشوف الولد صبيّ جرى له إيه. لا ولا يكون عندك فكره يابو الرقازيق. أنا يستحيل اتخلى عن واحد صاحبي. وخصوصاً ابن جنسي في بلاد الغربه. آه. حقه لو رجلي ازلفط. قول عليّ يا رحمن يا رحيم (يختفي)
- مرزا : (داخلاً) آه يا خبر. الحقوا يا ناس. الحقوا ياهو. الحق يا مولاي
- الأمير : (يدخل) إيه فيه إيه
- مرزا : تعالى بص يا مولاي تعالى
- الأمير : يا خبر اسود . اطلع يا حبيبي. اطلع يا روحي. اطلع واحنا نسيبك حر على كيفك اعمل في المملكه زي ما إنت عايز



- مرزا : آه. أيوه أهه طالع أهه
- الأمير : بشویش یا حبیبی. علی أقل من مهلك یا روحي
- عثمان : هیه. اطلع لكن علی شرط تنفذوا لی کل طلباتی
- الأمیر : حاضر حاضر. بس
- عثمان : بس إیه
- الأمیر : بس یعنی لاحظ یا عزیزي إن فیہ حاجات. رہا یكون تنفيذها ما یخلصناش
- عثمان : ما یخلصکوش؟
- الأمیر : أيوه
- عثمان : نرجع تانی
- الأمیر
- ومرزا : آه. لا لا لا. تعالی یا حیاتی
- عثمان : هیه. فاکرین إحنا بنلعب هنا والا إیه
- الأمیر : دلوقت قول لی. إیه طلباتک یا عزیزي. إیه بس مزعلک. اتکلم
- عثمان : الی مزعلنی حاجه واحد
- الأمیر : إیه بس اتکلم
- عثمان : الولد صبی زقزوق. الی جنابک بعت علشان یدوروا علیه. ویجیبوه لی هنا
- الأمیر : أيوه ماله
- عثمان : بیحب واحده عجمیه من بتوعکم. وكان عنده أمل إنه یتجوزها. وبعدين اتضح له المسکین إن الشابه دي متجوزه
- الأمیر : طیب وإیه الی یهمک إنت فی کده یا عزیزي
- عثمان : الی یهمنی إن الولد ده إذا ما اتجوزش البنت دي. یکن یعمل فی روجه موش کویس. وإذا جرى له حاجه. قول علی أنا کمان یا رحمن
- یا رحیم
- الأمیر
- ومرزا : بعد الشر علیک وعلیه. وعلینا إحنا الاتین



- الأمير : دلوقت حيث إن جوازة صبيك ده بتهمك للدرجه دي. مافيش قدامي
دلوقت غير إننا ناخذها من جوزها غصب عنه. ونجوزها لزقزوقك ده
- مرزا : أحسن حل
- الأمير : وإذا جوزها عصلج نحيسه. إيه رأيك
- عثمان : ولكن جنابك تدينني كلمة شرف إنك تعمل كده
- الأمير : أيوه. وأقسم لك بشرف باباظ
- عثمان : الله يسوقك بقى يابو الزقازيق
- خادم : (يدخل) مولاي الأمير
- الأمير : إيه فيه إيه
- الخادم : جناب الجزائر مرزا خان خليل الدوله. وسفير الأمير كعب الدوله
الأفغاني عايز يتشرف بالمثلثول بين أيادي مولاي
- الأمير : آه. دا الجزائر اللي جابب الأميره شمس خطيبيتي وياه. خليه يخش
- الخادم : أمرك يا مولاي، اتفضل يا جنرال
- السفير : (يدخل) بونچور مولاي الأمير باباظ
- الأمير
- ومرزا : بونچور
- عثمان : (لنفسه) إرمي^[١]. دا الراجل جوز البننت اللي بيحبها زقزوق
- الأمير : إيه. حضرتك تعرف جناب السفير
- عثمان : سفير! إنت سفير والا تاجر نيله
- السفير : ها ها ها. أنا مرزا خان خليل الدوله
- عثمان : خان خليل الدوله
- السفير : أي نعم
- عثمان : ما تشوف لنا كام فص معاك آمال
- السفير : هس إخرس (يُحرر سيفه)
- عثمان : إرمي (يغمى عليه)

[١] تعبير يفيد الدهشة.



- مرزا : يا ساتر يا رب
- الأمير : لا لا في عرضك يا حضرة السفير
- عثمان : مولاي. شوف كده مافيش فيّ حاجة ماتت. طيب طول بالك انا أفرجك يا حضرة السفير النبيله إنت
- السفير : بتقول إيه
- الأمير : (لعثمان) بس بس يا عزيزي حقك عليّ وادي راسك
- مرزا : وادي إيدك
- السفير : ما شاء الله. بقى كده كويس. إنكو تلتعوني^[1] هنا
- الأمير : لا لا بردون يا عزيزي. هيه. قول بقى كمل حديثك
- السفير : أكمل إيه. أنا لسه قلت حاجه
- الأمير : معلهش كمل والسلام
- السفير : (لنفسه) طيب أنا بعدين أعرف شغلي (للأمير) دلوقت يا حضرة الأمير. أنا بصفتي سفير مولاي الأمير كعب الدوله الأفغاني. جاي بكل اختصار لإتمام مهمه بنته الأميره شمس الشموسه
- الأمير : يا ألف أهلاً وسهلاً
- السفير : فإذا سمحت يا مولاي. بعد عشر دقائق حاكون هنا مع الأميره. وبعدها نعمل المقابله الرسميه. ونتبادل جوابات الاعتماد
- الأمير : وهو كذلك
- السفير : عشر دقائق بس لأن الأميره بره هنا في انتظاري. أورقوار
- الأمير
- ومرزا : أورقوار
- الأمير : أما غريبه دي. إنت فيه بينك وبينه حاجه يا عزيزي
- عثمان : حاجه وبس. دي حاجات مهمه يا مولاي
- الأمير : إزاي
- عثمان : لأن الراجل ده هو جوز البنت اللي بيجبها صبيّ

[1] تعبير يفيد «تركه لمدة من الوقت».



- الأمير : وإيه العمل دلوقت. بعد ما حلفت لك بشرف باباظ إني لازم أحبس لك جوز الشابه دي
- عثمان : والله اللي تشوفه ياسي مولاي. آدي الراجل جوزها أهه. وادي الشباك أهه
- الأمير
- ومرزا : لا لا في عرضك
- الأمير : حيث كده. دلوقت مافيش قدامي غير حل واحد. إني أصدر أمري حالاً بالقبض على الجزال ده
- عثمان : براوه على أفكارك الباباظيه
- الأمير : يا مرزا خان شور
- مرزا : مولاي
- الأمير : تعالى ورايا أما امضي لك الأمر
- مرزا : أمرك يا مولاي
- عثمان : لكن إزاي الراجل الملعون ده يبقى سفير وكان مخبي نفسه وعامل تاجر نيله؟ الغايه دلوقت ما دام الأمير تعهد بحبسه. بعدها يخلى لنا الجو ونجوز بنت مراته للولد زقزوق صبئ
- زقزوق : (من الخارج) فين هو فين
- عثمان : زقزوق
- زقزوق : (يدخل) شوف لبسوني إيه يا عم عثمان
- عثمان : كل سنه وانت طيب يا وله.. سيونا لوحدا أنا والأمير
- الجنديان : أمرك يا مولاي (يخرجان)
- عثمان : اطلع يا واد
- زقزوق : الله. إيه هو اللي أمير ومولاي. إيه العبارة يا عم عثمان
- عثمان : دلوقت خيلنا في المهم
- زقزوق : مهم إيه
- عثمان : البنيه اللي انت بتحبها دي. بتحبها بشرف وإخلاص. والا كان حب علشان غايه كده وبس



- زقزوق** : أبداً يا عم عثمان. وانا أحلف لك بكل مقدس على الأرض إنها لو
ماكانتش متجوزه. كنت عملت ما لا يعمل علشان اتجوزها بكل
احترام ويكل شرف
- عثمان** : عظيم. دلوقت ما دام ظهر لي إن غايتك شريفه. أقدر أعمل اللي راح
أعمله وضميري مرتاح
- زقزوق** : إيه. راح تعمل إيه
- عثمان** : تعالى ويايا وانا أفهمك كل حاجه، على بال ما يكون الأمير باباظ
أصدر أمر بحبس الجنرال
- زقزوق** : جنرال مين بس فهمني
- عثمان** : إنت مالك. إنت لك جواز والا بحلقه. موش عاوز تتجوز اللي بتحبها
- زقزوق** : أيوه
- عثمان** : تعالى. وانا اجوزك أبوها كمان (يخرجان)
- السفير** : (يدخل مع الأميرة والسفيرة) اتفضلوا يا ستات
- الأميرة** : الله. فين الأمير أمال
- السفيرة** : إزاي ده
- السفير** : آه. لازم بقى جلالته⁽¹⁾ راح يستعد لمقابلتنا بصفه رسميه
- الأميرة** : أيوه. لازم إنت هوشته. وحيث له من العالي خالص
- السفير** : من أعلى ما يمكن. أنا راجل سياسي
- السفيرة** : آه. ناس جايبين أهم
- السفير** : لازم همم. احنوا القوس. السياسه عايزه كده
- مرزا** : (داخلاً مع جنود) يا حضرة السفير
- السفير** : أفندم. أنا بصفتي الجنرال مرزا خان خليل الدوله. وسفير مولاي الأمير
كعب الدوله الأفغاني. ومكلف من قبل مولاي الأمير بمأموريه سياسيه
- مرزا** : بس أنا أمرت بأمر الأمير. إني اقبض عليك يا أمير
- السفير** : عليّ أنا

[1] تغيرت: سموه.



- أميرة
- وسفيرة : عليه هو
- مرزا : أي نعم
- السفير : لا يستحيل لازم حصل غلط أنا جاي هنا لعمل المعاهدات التجاريه مع الأمير باباظ. وعلى الأخص لنهو مسألة جواز الأميره
- الأميرة : جوازي أنا؟
- السفير : أي نعم. مع الأمير باباظ
- الأميرة : إيه. أنا أتجوز الأمير باباظ ده
- السفيرة : أما عجيبه دي
- السفير : هس. دي يا مولاتي إرادة الأمير بابا. لأن جوازتك دي هي الشرط الأساسي لعمل المعاهدات التجاريه بين الدولتين
- الأميرة : ما شاء الله. يعني بقى على كده بابا عاملني أنا زي عربون. علشان المعاهدات التجاريه بتاعته
- السفيرة : شيء لطيف خالص
- السفير : هس قلنا. دا شيء لا بد منه
- الأميرة : آه يا ربي يا ربي (يغمى عليها)
- السفيرة : يا خبر دي أغمى عليها
- مرزا : ودلوقت اتفضل قدامنا بقى يا حضرة الجزائر
- السفير : لا أبداً. يستحيل
- مرزا : جرحه
- السفير : طيب أنا أعرف شغلي. لازم ابعت احتجاجات للدول^[1] (ويخرج)
- مرزا : جرحه. احتجاجات ودول^[2] قال. إحنا نعض في بعض يا جنرال (يخرج)
- السفيرة : آه يا ربي. أنا عارفه إيه السفريه الزفت دي. هو يا أميره. يا أميره شمس. فوقى أمال ما تتخكيش الناس علينا
- عثمان : (يدخل مع زقزوق) تعالی أما نشوف إيه اللي جد هنا يا وله

[1] تم حذفها.

[2] تم حذفها.



السفيرة : الله. الاتنين التجار المصريين

زقزوق : حبيبي

السفيرة : لا لا ارجع. سيبها سيبها لحد ما تفوق لوحدها

عثمان : لا. ماهو ده اللي حا يفوقها يا ست

السفيرة : إزاي

عثمان : دا أصله كدبة حب (يقولون لحنًا)

زقزوق فوقي يا روحي يا نور عيني قولي لي إنت مين ماتخبيش عليّ

عثمان قولي لي انتي مين ماتخبيش عليّ. هس

الأميرة آه يا إلهي

السفيرة أيـوه أهـه فاقت من كلمه واحده فرفشت وراقت

الأميرة أنا زي باحلم بحلم لذيد

عثمان وانا واقع فيك واقعد ولـذ

السفيرة بس بقى هس

عثمان طيب هس

الأميرة من نظره واحده دبت فيك

زقزوق يا فرحتي

الأميرة أهـي قـسمـتي

زقزوق قـسمـتك بيـضا

عثمان قـسمـتك سـوده

السفيرة يا شـيـخ إـخـتـشي

زقزوق حـبـك في قـلـبي لـسـاعـة مـماـتي

عثمان إنـت في حـياـتي

زقزوق دلـوقـت مـوش وقـت الـهـزار

كل شـيـء ولـه نـهاـيـه

كل شـيـء لـازـم لـه حـد



الجميع ما دمننا قلب واحد مافيناش حد جاحد
في الشده يد واحده وعمادنا على السلاح ده
(يشيروا لقلوبهم)
بالوئام من غير كلام لازم مهمتنا تنجح وتبلغ المرام

- الأميرة : (بعد اللحن) آه يا عزيزي. لو كنت تعرف إيه اللي حصل
زقزوق : عارف كل شيء. عم عثمان قال لي دلوقت
الأميرة : قال لك على إيه
عثمان : على عبارة الجُننار جوزك وعلى كل حاجه
الأميرة : جنرال جوزي
السفيرة : جوز مين يا شيخ إنت. دا الجنرال السفير ده يبقى جوزي أنا. أنا
السفيرة عزيزة
عثمان : إيه. إنتِ مرآة الجُننار الأزرق ده؟
السفيرة : أيوه أنا
عثمان : إخص. أمال جنبها تبقى مين
السفيرة : حضرتها تبقى الأميره شمس
عثمان : الأميره
الأميرة : أيوه. وحضرتهم أتايهم كانوا جايني هنا من غير ما أعرف. علشان
يجوزوني للأمير بابا
زقزوق : بابا؟
أميرة
وسفيرة : أيوه
عثمان : لا. ما دامت الجوازه للبابا. كل ترتينا أهه باظ
زقزوق : بتقول إيه يا عم عثمان
عثمان : أهى الحكايه بقت شقلاط
زقزوق : طيب وانتي إيه اللي يضطرك للجوازه دي يا أميره



- الأميرة : اللي يضطرنى بابا
- السفيرة : ماهي المصيبة إن الأميره شمس موقفها وحش خالص لأنها دلوقت زي عربون المعاهدات التجاريه اللي حا تتعمل بين الدولتين
- زقزوق : لا حول الله. آه يا أميره شمس
- عثمان : آه يا سفيره عزيزة. آه يا بنت صندوق الدنيا
- الأمير : (يدخل) آه. ها ها ها
- السفيرة : مين دا يا ترى
- الأمير : برافو يا مونشير. دا صبيك ده باين عليه في غاية الكهرا
- عثمان : لا دا فلفله على كيفك
- الأمير : آديني حبست له جوز حبيته. علشان ياخذ كل حريه
- عثمان : البركه فيك يا مولاي
- السفيرة : مولاي!
- عثمان : بست
- الأميرة
- وزقزوق : إخص. مين ده؟
- عثمان : جناب الأمير باباظ
- الثلاثة : خبر اسود
- عثمان : مخترع الجمباز
- الأمير : هيه. إيه رأيك بقى يا جناله. آديني حبست لك جوزك حبس لكن في غاية الممكن
- الأميرة : جوزي؟
- السفيرة : (لعثمان) الله. جوز مين؟
- الأمير : في الحقيقه أنا صعبان عليّ قوي الجنرال ده. ولكن.. آه من حق. على كده بقى حضرتها. لازم خطيبتي الأميره شمس
- زقزوق
- والسفيرة : أي نعم



- عثمان : أيوه الأميره شمس بس مكسوفه
- الأمير : يا سلام في غاية الخفافه والظرافه. بس كنت عايزها أفتح من كده هه
- عثمان : يا سيدي بناقص هه. إنت بتدقق
- الأمير : الغايه. الجوازه دي سياسيه لا بد منها. اتفضل يا عزيزي وصلها لمخدعها الملوكاني
- عثمان : اتفضلي يا أميره لمخدعك الملوكاني. وكاني وماني ودكان الزلباني
- الأميرة : آه يا ربي. إيه اللخبطه دي
- زقزوق : معلش ما تخافيش. البركه في عم عثمان
- الأمير : ودلوقت يا حضرات الحبيبه. مافيش قدامكم غير الهرب
- الأميرة : إزاي يا مولاي. حضرتك اللي عايزني أهرب وياه
- الأمير : أيوه أنا. أمال خيالي. دلوقت تعالوا بقى زوجوا من الباب ده. وانزلوا تلاقوا تحت على حرف البحيره بتاعة القصر. فلوكه حضرتها لكم مخصوص
- الاثنين : مرسي
- الأمير : تركبوا الفلوكه دي. وتروحوا فاكين على آخر ستم
- السفير : (من الخارج) إزاي تحسوني سيبوني باقول لكم
- الأميرة
- وزقزوق : يا خبر الجنرال
- الأميرة : يظهر إنهم سابوه
- زقزوق : ياللا نهرب قوام
- الأمير : أه. اصبروا جاتني فكره عال
- الاثنين : إيه
- الأمير : أظن أحسن شيء. إننا نخلي عثمان هو اللي يهرّب صاحبك دي. وانت تبقى تخرج تقابله من الناحيه الثانيه من البحيره
- الاثنين : أيوه أحسن شيء
- السفير : (من الخارج) سيبوني أنزل فيكم حتتك بتتك



- عثمان : (يدخل) إيه. إيه الزنبليطه دي
- الثلاثة : آه. عم عثمان
- الأمير : جيت في وقتك. خليك إنت هنا مع حضرتها. علشان تهربها دلوقت.
وانت يا عزيزي. ياللا زوج من باب القصر حالاً
- زقزوق : حاضر. أوقفوار يا حياتي. خلي بالك يا عم عثمان (يخرج)
- عثمان : ماتخافش يا وله. استناني إنت بره. وانا أحصلك بالحدقه
- الأمير : وانتو ياللا يا عزيزي. اهربوا حالاً. الفلوكه اهي تحت ياللا
- السفير : (داخلاً) اوعى كده إنت وهو (يتبعه مرزا والجنود)
- الأمير : ارجعوا سيبوه.. هدي أخلاقك يا حضرة السفير. المسأله كان فيها سوء تفاهم بسيط
- السفير : إزاي بقى تحبسوني وتقولوا سوء تفاهم بسيط
- الأمير : معلش حقا عليّ
- السفير : الغايه. اللي فات مات يا مولاي. دلوقت تحب تنهي لي المأموريه اللي أنا جاي بخصوصها. والا لأ
- الأمير : أيوه حالاً. دلوقت لازم اقدم عروستي الملوكيه لشعبي بصفه رسميه باباظيه
- السفير : وهي فين الأميره شمس عروستك يا مولاي
- الأمير : أهي جوه. بعثها لمخدعها الملوكاني. على يمينك في آخر الدهليز ده
- السفير : الناحيه دي. أصبر أما اروح اجيبها (يخرج)
- الأمير : يا مرزا خان شور
- مرزا : مولاي
- الأمير : دحل حالاً كل رجال البلاط. علشان يحتفلوا باستقبال خطيبي
- الأمير شمس
- مرزا : ادخلوا كلكم
- (يدخل الجميع ويقولون لحنًا)



فين هي الأميره عروسه الأمير اللي من قوامها غصن البان يغير لازم نحتفل بها ونفرح قلبها ونغني ونهني ونخليها حفله مالهش نظير

- الأمير : عجيبه. دي ماجاتش ليه الأميره
السفير : (يدخل) إيه اللخبطه دي يا مولاي
الأمير : إيه جرى إيه. فين الأميره شمس
السفير : الأميره هربت يا مولاي. إيه الحكايه بس. أنا حاجنن ياهو
السفيرة : (تدخل) طول بالك يا جزال
الأمير : الله. ماهي الأميره أهي (يشير للسفيرة)
السفير : أميره مين. دي مراقي يا مولاي
الأمير : الله. ودكده أمال تبقى مين؟
السفير : خطيبتك
الأمير : يادي الداھيه. وانا اللي هربتھا قال مع حبيبھا
السفير : إزاي. إنت!
الأمير : أيوه أنا. بفكر إنها مراتك إنت
السفير : إيه. مرسي
الأمير : ماهو إنت اللي الحق عليك. ليه فهمتني إن الأميره تبقى مراتك إنت
السفير : حاعمل إيه بقي. السياسه عايزه كده
الأمير : أما مغفل^[١] صحيح
السفير : هيه
الأمير : معلوم. لأن بسبب سياستك البايخه دي. دلوقت موقفي مهزأ جداً.
وقال أنا اللي كنت محضر لهم الفلوكة علشان يركبوها ويهربوا
السفير : لا. ولا يكون عندك فكره يا مولاي
الأمير : إزاي

[١] تغرت: عيبط.



السفير : لأنني أنا دلوقت لما دخلت أدور على الأميره شمس ولا لقيتهاش.
 إديت أمر للحراس إنهم يطلقوا النار على الراجل اللي هربها
 ويجيبوا الأميره
 الأمير : خبر اسود
 مرزا : آه يا حياتي ياني
 السفير : دلوقت حالاً يقتلوه
 الأمير : يقتلوه. ماتعرفش إنهم حا يقتلونني أنا يا مغفل^[١]. آه سُدوني (يرتمى)
 السفير : الله. دول اتجننوا والا إليه
 الأمير : ياللا حصولوهم. الحقوهم. هاتوهم (طلقات نارية)

يا سلام سلم عقلنا طار	طلقة نار طلقة نار	الجميع
مابقاش في نَقَس	بس يا جماعه بس	الأمير
ووسطي قَرَب ينحل	وانا كمان عقلي زل	مرزا
سر موش عارفينه	المسأله دي لازم فيها	الجميع
يا أميرنا يا فينو	بعد الشرح عليك	
ويبسطك وينعنشك	إيه بس اللي يفرفشك	
بس اللي موغوشك	ما دمننا كلنا هنا إليه	
	يا ترى مات والا مامتشي	الأمير
		ومرزا
		الجميع
مين هو اللي مات ومامتشي	إيه الحكايه يا أميره فهمينا جرى إليه	
فين حبيبنا البربري اسم الله عليه	يا دوب جينا زاينين	الأميرة
في الفلوكه وراكبين	راحم ضاربين علينا	
رصاص رحنا واقفين	البربري راح ناطط	
غطس دوغري في الميه	مسكين يا عبد الباسط	
كبيدي عليك وعلي	هو اللي كان الواسطه	
لي في تحقيق آمالي		

[١] تغيت: أبه.



وبين إيديه الرابطة	الجميع
حيث كده ياللابنا	
نعزّي مولاتنا الأميره	
مولاتي كلنا آسفين	
دي كانت واقعه زي الطين	الأمير
لله فوضت أمري	
الي فاضل في عمري	الجميع
حيث كده ياللابنا	مرزا
وانا يا بتاع الفلك	
إهـيء إهـيء إهـيء	الأمير
ياللا تعالى أودعك	
إهـيء إهـيء إهـيء	

ستار



(افغان نالی)

نه قهر لایر . الجمع بقولوه لانا :-

فرخونان و فطونان یا جامع غنونا نغشوا ایرنا و امدهم آلا ریغه

بالانکم الطیبه مکلاکم زرفش الحمده فینا الله لدر نونه دونه

ایره غنونا و الطیبه مکلاکم ایسی دواسون را استفانن بالبراس

سیدیمه کمانک ویا سکه یا میرنا - انتا سید اکل فینا

انتا کل غیننا . فرخ یقین زلفش مادم عینده جلاله لدر میرنم

سید مادم قسنتا انتا سون روصوا فرسوا قرافنا را قلبو هانرف

زلفکوا ما تا کور ایله ادر سه سیدل ر لوتنه

لازم زرفتم ککم بل یا مر صوبه مقدنا

الله حیم ایرنا کل زجل عار کتدم ز می ارجن الحمد لانه و لایسید زینه الامم

انفایه غنونا سوبه غنونا بنانه خدوهات

جیسو اننا لایسه تجنا یا هاتوا ارفا صات

(رفصه)

بعلاد (بعلاد) بز یاره سیوننا لوصنا

امراک یا مر لاک

مولای

مرزا خان شور

نجه تهمسی سوبه کت نیده رحیلنا

ایله
جمع

ایله
جمع

ایله

ایله
جمع

ایله
مرزا

الفصل الثالث

في قصر الأمير الجميع يقولون لحنًا.

فرحونا زقططونا يا جماعه غنوا
بألحانكم اطربوه بكلامكم فرفشوه
الأمير أيوه غنوا لي واطربوني يمكن أنسى
الجميع سيد مين يجانسك ويآنسك يا أميرنا
إننت كل خيرنا
مالهم عينين جلالتك
الأمير سيبك ما دام قسمتنا إننا نتوق
الجميع زقتكوا حاتكون أبهة
لازم نهتم لكم بها
الله يرحم أميرنا
زي الرجل الخزلانة
الأمير الغايه حظونا شويه
جيبوا لنا كاسين شمبانيا

(رقصة)

- الأمير : (بعد الرقص) بزياده سيونا لوحدا
الجميع : أمرك يا مولاي
مرزا : مولاي
الأمير : مرزا خان شور
مرزا : تحب تتمشى شويه كده نلين رجلىنا
الأمير : مافيش مانع المشي ملين (تدق الساعة ٣) يا خبر الساعة ٣
مرزا : قوام كده



- الأمير : والمصيبة إن من امبارح لحد النهارده. لسه ماחדش عتر في الراجل البربري ده. لازم مات
- مرزا : بكل تأكيد مات. لأن الجماعه ما خلّوش ولا حتة في بحيرة القصر إلا وفتشوا فيها
- الأمير : الله يرحمنا بقى. إحنا إمبارح لما سمعنا إطلاق النار على البربري ده. موش كانت الساعه ٥ مساءً
- مرزا : أيوه
- الأمير : ومها إن الحساب الفلكي بتاعك بيقول إني لازم اموت بعده بأربعه وعشرين ساعه لازم انا حاتوفي النهارده الساعه خمسه مساءً
- مرزا : مضبوط. وانا الساعه ٥ وربع
- الأمير : دلوقت الساعه ٣. يعني مالياش في الدنيا دي. غير ساعتين بس
- مرزا : ومحسوك ساعتين وربع
- الأمير : مده قليله قوي. آه من حق اصبر. الساعه دي لازم بتقدم. تعالى أما نأخرها.. الساعه ٢
- مرزا : لا كمان شويه لورا^(١) (الساعة ١)
- الأمير : أيوه كده. أقله الواحد يشبع من حياته شويه
- مرزا : أمال إيه. نموت فطيس
- الأمير : يعني كان لازم إن الطالع بتاعي يرتبط بطالع واحد بربري زي ده
- مرزا : آه. أهه جه يا مولاي
- الأمير : مين البربري؟
- مرزا : لا رئيس البوليس. أروم أوغلي
- الأمير : تعالى يا أروم أوغلي تعالى. طمنني فيه إيه (يدخل أروم)
- مرزا : طمناً أنا في عرضك
- أروم : آديني يا مولاي جايب لك أخبار لسه بشوكها
- اللاثنين : الحمد لله
- الأمير : ولكن انت شخصياً مبسوط من الأخبار دي يا أروم أوغلي

[١] تغيير «كمان شويه لورا»: خليها.



- أروم : والله من جهتي أنا يا مولاي. حافرقع من الانبساط
- الأمير : عال عال طمئنى
- أروم : بقى الحكايه باختصار يا مولاي. دلوقت حيث إن ده شيء انتهى.
أقدر اقول لكم إني في الأول. كنت كاشش من المهمه دي. ومخضوض
حتة دين خضه
- اللاتنين : شيء لطيف
- أروم : أي نعم. لأني كنت خايف لا الناس يقولوا. أروم أوغلي مانجش
- الأمير : خلينا في المهم
- أروم : المهم دلوقت إني عرفت الشيء اللى يهمننا إحنا. بخصوص المرحوم
البربري ده
- اللاتنين : إيه المرحوم؟
- أروم : أيوه لأنه مات. والدليل على كده إنهم لقوا هدم المرحوم على
شاطيء البحيره
- الأمير : آه يا بختي الاسود
- مرزا : يا بختي الاسود من باطنه
- أروم : إزاي. جلاتك^[1] موش مبسوط يا مولاي
- الأمير : آه يا مغفل
- مرزا : آه يا لوح
- الأمير : امشي روح من وشي
- مرزا : روح من وشنا إحنا اللاتنين
- أروم : الله. موش المطلوب مني يا مولاي. إني اجيب لكم خبر عن البربري
ده. آديني جبت لكو خبره. حاعمل لكو إيه
- الأمير : روح من وشي باقول لك
- أروم : حاضر حاضر. إخيه. دول زرابينهم طالعه قوي (يخرج)
- الأمير : مرزا خان شور
- مرزا : مولاي

[1] تغرت: سموك.



- الأمر : ماتاش حاسس بحاجه دلوقت
- مرزا : أيوه بطني. زي اللي واخذ شربه
- الأمر : وانا كمان زيك. آه من حق. ما رأيك في شيء مقوي. واحد كونياك
- مرزا : واحد كونياك
- الأمر : أيوه. علشان نتشجع على استقبال الموت
- مرزا : دونك والكونياك
- الأمر : تعالی حط دراعك في دراعي. تاته تاته
(يخرجان)
- عثمان : (يدخل) أما أنا رصرت خالص على حرف البحيره الزفت دي. أيوه لأن
إمبراح أول ما ضربوا علينا النار. رحى غاطس على طول. وهات يا عوم
لحد ما طلعت في آخر البحيره من جهة الخلا. أهه من ساعتها وانا لايد
وسط الشجر ده. وسامع كل الكلام اللي حصل بين البابا. والراجل بتاع
الفلك. أيوه فكره. أما نغيظهم. ونقدم لهم الساعه اللي أخروها. قال
عاوزين يغالطوا ربنا في عمرهم وولد الملعون (يقدم الساعة لـ ٤) آه.
البابا أهه جاي. أما نستخبي هنا لحد ما نعرف السر (يختفي)
- الأمر : آه. آديني خدت واحد كونياك. لكن لسه حاسس بان ركبتي ملخلخه. يا
خبر الساعه ٤. الساعه دي بتقدم كده ليه. ساعه سبق دي والا إيه.
(يؤخرها للساعة ٣). أصبر بقى أما أقعد أفرا شويه في الوصيه بتاعتي
- مرزا : (يدخل) آه ياني. الله الساعه دي بتقدم كده ليه. اصبر أما نأخرها
(للساعة ٢) أيوه كده. آه يا خسارتك في الموت يا ابو الخناشير. آه
بردون يا مولاي
- الأمر : إيه يا مرزا خان شور. نفسك في حاجه قبل ما تموت
- مرزا : نفسي يا مولاي. بس لو سمحت
- الأمر : سمحت بإيه
- مرزا : دلوقت جلاتك^[١] بحكم الطالع بتاعك. ميت ميت غضب عنك
- الأمر : مضبوط
- مرزا : ولكن أنا يا مولاي

[١] تغيرت: سموك.



- الأمر : إنت إيه؟
- مرزا : موش ممكن جلاتك بس تطلعني من الوصيه
- الأمر : إيه؟
- مرزا : أنا في عرضك يا أمير أمراء أفغانستان وكردستان ومرستان
- الأمر : يستحيل. واهه إذا قلت كلمه واحده بعد كده. حاقدم موتك ربع ساعه
- مرزا : لا لا لا. حاضر حاضر
- الأمر : دلوقت اصبر بقى. أما أعيد نظري على وصيتي الملوكانيه
- مرزا : عيد يا مولاي
- السفير : (من الخارج) هم فين الجماعه.. آه مولاي الأمير
- مرزا : هس. مولاي. الجنرال خان خليل الدوله أهه
- الأمر : موش وقته دلوقت. قول له أنا موش هنا
- مرزا : مولاي بيقول لك إنه موش هنا دلوقت
- السفير : بتقول إيه
- مرزا : هس قلنا يا أختينا. روح دلوقت وتعالى بعدين
- السفير : لا يستحيل. أنا جاي هنا دلوقت علشان أعرف إيه اللي ناوي يعمله
- مولاي بخصوص جوازته من الأميره شمس
- الأمر : الأميره شمس. بس بس ما تجيليش السيره دي يا جنرال
- السفير : الله ليه يا مولاي
- الأمر : لأني خلاص. موش فاضل لي في عالم الحياه دي غير ثلاث ساعات بس
- السفير : إزاي ده
- الأمر : ولاحظ إن كل دا من تحت راسك إنت. لأنك إنت اللي أمرت الحراس.
- بإطلاق النار على البربري المسكين ده
- عثمان : آه يا سفير الكلب إنت
- السفير : عجيبه دي. طيب وإيه علاقة حياتك ب حياة البربري ده يا مولاي
- الأمر : العلاقه إن نجمي ونجمه مرتبطين ببعض. يعني بعد وفاة المرحوم
- عبد الباسط ده. حتمًا لازم أموت بعده بأربعه وعشرين ساعه



- عثمان : أهه هنا السر بقى ياخوي
- السفير : أما غريبه الحكايه دي. مسكين يا مولاي
- مرزا : لا والألعن من كده إن حياة محسوبك كمان. مرتبطه بهم هم الاتنين
- عثمان : براوه عليك يا بتاع الفلك. حلال عليك الشراب يا عم
- الأمير : الغايه دلوقت يا حضرة الجزال. حيث إن الظروف جات بالشكل ده.
- أرجوك تبليغ المسأله لمولك الأمير. وترد له بنته. وتقول له المرحوم
- باباظ الأول يستحيل ينسى عطفك عليه
- السفير : يصل يا مولاي. آديني رايح أعد معدات السفر. وبعدين نجى نودعكم
- قبل السفر
- الأمير : أيوه قبل موتنا
- السفير : أوقفوار يا أمير الحروبوات والغزوات (يخرج)
- اللائنين : أوقفوار يا سفير الأموات
- الأمير : يا سلام سلم. دماغى لسه بتلف يا مرزا خان شور
- مرزا : دونك والكونيك يا مولاي
- الأمير : دونك يابو الخناشير. تعالى سنّدي واسنّك. هه. واحده واحده تاته تاته
- (يخرجان)
- عثمان : (يدخل. يضحك) إلا حياتي اللي مرتبطه بحياتهم دي كمان. آخ يا
- ناري لو كنت عارف كده من الأول. كنت خربت بيت أبوهم. بس
- أنا زعلان غلشان الدكان بتاعي اللي مانيش عارف راح فين. ما بقاش
- فاضل غير دول. القصد ما دام السر ده بقى في إيدي. يمكنني
- أتحصل على دكاني واجوز الأميره شمس دي للولد زقزوق صبيّ
- زقزوق : (داخلاً) آه عم عثمان
- عثمان : زقزوق إيش جابك من الناحيه دي يا وله. مانتاش خايف للباباظ يشوفك
- زقزوق : لا ولا يهمني يا عم عثمان. لأني من إمبارح وانا بادور عليك.
- ويستحيل اتخلى عنك ولو كان في دخولي هنا أكبر خطر على حياتي
- عثمان : براوه عليك يا تربية ابو عفان
- زقزوق : معلوم دا واجب يا عم عثمان



- عثمان : آه. أهي لاجل بختك الأميره جايه أهي مع مرآة الجنرال
- زقزوق : فين فين؟
- عثمان : تعالی ننداری الناحيه دي. أما نشوف إيه العبارة
- زقزوق : أيوه فكره
- السفيرة : (داخلة والأميرة) كفايه ما تزغليش نفسك يا أميره. دلوقت مافيش غير كونك تنسي الجدع حبيبيك ده بالمره. وخصوصاً البربري المسكين اللي غرق ده
- عثمان : إحم
- أميرة
- وسفيرة : آه. عم عبد الباسط
- عثمان : هس أنا دلوقت موش عمكو عبد الباسط
- أميرة
- وسفيرة : أمال إيه؟
- عثمان : أنا المرحوم عبد الباسط
- الأميرة : آه من حق قول لنا. إنت ازاي مامتش
- عثمان : والله حمقرت تاني. علشان مريضوش يقبلوني في القرافه. قالوا لي إنت شقي وبتعاكس الميتين
- السفيرة : دلوقت بقى. حيث إن المسأله جات سليمه كده. أما احسن ابلغ المسأله دي للأمير
- عثمان : لا لأ. إذا كانت العبارة حا توصل للأمير. نروح نترجي الأموات يقبلوني وموت تاني
- الأميرة : إزاي ده؟
- عثمان : بقى إنتو موش فاهمين العبارة. طول ما أنا ميت في نظر الباباظ ده. الجوازه بتاعتك حا يكون مسوجر
- الأميرة : إزاي مانيش فاهمه
- زقزوق : ما تفهمنا إيه الحكايه
- عثمان : موش ضروري تفهموا غير أنا ميت وخلص



- أميرة
وسفيرة : غريبه دي
عثمان : وحضرته لآخر^[1] أموت مني
أميرة
وسفيرة : هو لآخر
عثمان : أيوه. يعني أنا ميت في البحيره
الأميرة : وهو؟
عثمان : ميت في حضرتك
الأميرة : الله يجازيك يا عم عثمان
عثمان : يعني بالمفتوح. النهارده الأمير الباباظ راح يشحنك تاني على مملكة
أبوك {كعب الدوله ده والا كعب الغزال
الأميرة : لا. كعب الدوله^[2]
عثمان : الغايه. كعب الدوله. طالونة الدوله^[3]. إنتِ دلوقت ما عليك إلا تقابلي
باباظ الحظ ده. وانتِ ترسي منه على كل حاجه
الأميرة : الله يبشرك بالخير يا عم عثمان
عثمان : وانا دلوقت حا نلبّد هنا لحد ما نشوف النهايه
الثلاثة : كويس
عثمان : وانت اطلع من هنا من مطرح ما جيت. ونبقى نتقابل كلنا على
باب المدينة (يخرج)
الجميع : مع السلامه
زقزوق : وانا حيث كده بقى إذنك يا روجي. أما أروح أنتظركم على باب المدينه
الأميرة : طيب بس أنا خايفه لا الأمير يشوفك وانت خارج
السفيرة : لا ما تخافيش. هو يظهر إن الأمير تملي في الجهه دي من القصر.
ومع ذلك اصبروا أما اروح اتأكد لكم
الأميرة : أيوه. أنا في عرضك يا عزيزتي (تخرج السفيرة)

[1] بمعنى: هو الآخر.

[2] حذف الحوار ما بين (...).

[3] حذف: كعب الدوله. طالونة الدوله. طالون بالفرنسية «talon» تعني: «كعب».



زقزوق : آه يا أميره شمس. سبحان من حا يخلصنا من إيد الأمير الفظ ده
الأميرة : لا ولا يكون عندك فكره يا حبيبي. لأن قلبي ده أصبح ملك لك.
ويستحيل حد غيرك يستحوز عليه أبدًا (يقولان لحنًا)

زقزوق يا فرحتي مين في غرامه شاف هنا في كل تاريخ اللي حبه زئي أنا
إنْتِ ملاكي ومين سواي يحتكم في مهجتي
أميرة إنْتِ حبيبي إنْتِ نصيبي القُرب منك جنتي
زقزوق إمتى نتهنى ونسود نطفي نيران الجوى
إيه العذول إيه الحسود ما دمت أنا وإنْتِ سوا
الأميرة بس آه لو كنت زئي ابن أمير كانت تمّت فرحتي وهان العسير
زقزوق دولة الحب يا روعي جمهوريه^[١] مافيهاش أبدًا كبير
تجتمع فيها الملوك ويا الرعيه الفقير وابن الأمير
العيرة ماهيش باللقب أو بالنياشين والرتب
الراجل اللي بهمته وعلو نفسه ونخوته
من غير لقب من غير رتب يجعل له شأن في أمته
إن عاش يعيش عرضه نضيف وان مات يموت حر وشريف

السفيرة : (تدخل) يالا يا جماعه أهه مافيش حد. تقدر تزوغ من الناحيه دي
يا عزيزي

زقزوق : طيب آديني حاكون في انتظارك يا أميره

الأميرة : مع السلامه يا حبيبي

السفيرة : مسكين الجدع ده بيجبك قوي يا أميره

الأميرة : أيوه. بس يا خساره لو ماكانش من عامة الشعب^[٢]

السفيرة : الغايه. دلوقت المهم عندنا. إن الأمير باباظ ده يردك تاني للأمير أبوك
آه. أهه جاي أهه

[١] تم حذفها.
[٢] تغتت: الناس.



- الأميرة : تعالي نندارى الناحيه دي. أما نشوف حا يقول إيه
- السفيرة : لا مافيش لزوم
- الأمير : (يدخل) آه. آديني خدت واحد كونيكا لكن دوبل الدوبل.. آه وادي
الأميره الهربانجيه أهه
- الأميرة : مولاي
- الأمير : أخ يا خساره. والله البنث موزونه قوي. لا وبياض خالص على دين
ذوق جلاتني^[1]
- الأميرة : العفو يا مولاي
- الأمير : ياخى عفو إيه بقى وغيره إيه. لأ وعينها عسلية كمان. تمام زي مانا
عايز
- الأميرة : العفو يا أمير
- الأمير : يا سلام. قد إيه كنت أدوب في العيون العسلية
- الأميرة : كنت ازاي يا مولاي. ودلوقت لأ
- الأمير : دلوقت. دلوقت
- السفيرة : يا حفيظ. دا بيزغلها كده ليه
- الأمير : (لنفسه) دلوقت مافيش مانع
- الأميرة : مانع من إيه
- الأمير : آه يا أميره. أنا دلوقت جات لي فكره. حا تغيّر كل ترتيبي
أميرة
- وسفيرة : يا ساتر يا رب
- السفير : هي فين الأميره (يدخل)
- الأمير : آه. تعالي يا جنرال جيت في وقتك يا بطل
- السفير : آديني يا مولاي رحتم جهزت كل شيء للسكر
- الأمير : روح لخبط كل شيء. أنا غيرت رأيي. ودلوقت حالاً لازم اخش على عروستي
- الثلاثة : يا خبر

[1] تغيرت: سموي.



- السفير : إزاي الكلام ده يا مولاي. جنابك موش قلت لي من لحظه بس. إنك
 حا تتوفى بعد ساعتين ثلاثة
- الأمير : أيوه. ولكن شفت دلوقت. إننا إذا استعجلنا شويه. يكون عندي
 الوقت الكافي. وبعدها أتوفى على مهلي
- الأميرة : آه يا إلهي
- الأمير : أهى الساعه دلوقت ثلاثة. يعني لسه ساعتين. علشان أدخل دنيا غير
 دي الدنيا
- السفيرة : يادي الداھيه
- الأميرة : آه. أنا في عرضك يا جنرال
- الأمير : باللا سيبونا لوحدنا أنا والعروسه. إنتو يا جماعه ابعوتوا هاتوا حالاً
 مأذون الدوله
- الأميرة : أنا في عرضكوا يا جنرال. اوعى تفوتني
- السفير : وانا إيه اللي في إيدي يا أميره
- الأمير : النهايه أمرنا لله (يخرجان)
- الأميرة : آه يا ربي. فين عم عثمان دلوقت
- الأمير : آه. آدحنا بقينا لوحدنا. العروسه والعريس
- الأميرة : لا أنا في عرضك يا أمير. إنت موش بتقول إنك خلاص حا تموت بعد شويه
- الأمير : أيوه يا حياتي. ولكن قبل ما أفارق حياتي بدي أتمتع زي الناس. بدي
 في ساعه واحده. أعمل عمل سنين. عمل قرون بزيتها
- الأميرة : يا حفيظ يا رب
- الأمير : قولي لي إنك بتحبيني. أنا في عرضك
- الأميرة : يا خبر
- الأمير : تعالي في حضن باباطك يا شموستي. ماتعرفيش إني أنا بدي أملا البند
 حداشر من قانون الدستور^[1] البباطي
- الأميرة : بند إحدا عشر دا إيه كمان
- الأمير : إني أترك لك أعظم تذكار بعد وفاتي

[1] تغيير «قانون الدستور»: القانون.



الأميرة : تذكّر زي إيه
الأمير : زي باباڤ صغير نسميه باباڤ الثاني
الأميرة : آه يا مصيبيتي (ضجة)
الأمير : الله إيه الزيته دي. آه دول الجماعة أمراء البلاط جاين علشان
الاحتفال بعقد الزواج
الأميرة : آه. رحّت بلاش

(يدخل الجميع ويقولون لاحقاً)

أهلاً بالأميره عروسه الأمير اللي من قوامها غصن البان يغير
لازم نحتفل بها ونفرح قلبها ونغني ونهني ونخليها زفه مالهاش نظير

الأمير : اسمحي لي يا أميره أقدم لك الحاج شيش بيش جهار مأذون الدوله
المأذون : مبروك أفندم وألف مبروك
الأمير : ياللا بقى اعقد يا حضرة المأذون
مرزا : (داخلاً) آه يا إلهي. إلحق يا مولاي إلحق
الأمير : إيه في إيه؟
مرزا : خلاص ونّت الساعه الرهيبيه بتاعتنا. الساعه دلوقت خمسه إلا خمسه
الأمير : إزاي إنت مجنون الساعه قدامك أربعه أهه
مرزا : أبداً يا مولاي. الساعه دي مضوطه على ساعه الرصدخانه
الأمير : خبر اسود. يظهر بقى إن الفرق ده جاي من كوني أنا من الصبح
نازل تأخير في الساعه الزفت دي
مرزا : وانا كمان أخرتها يا مولاي
الأمير : الله يرحمك بقى يا باباڤ
مرزا : ويرحمك يا خنشور
الأمير : حيث كده يا أميره روحي حره مني من كل قيد أمام الله والأمراء دول
الأميرة : مرسي يا مولاي



- الأمر : واحنا يا مرزا خان شور
- مرزا : مولاي
- الأمر : مايجيش منه بقى. دونك والموتان.. هاتوا لي كاكولة الجِداد بتاعتي.
ودلوقت يا جماعه شوفوا ازاى تنتهي حياة عظماء الرجال
- مرزا : وحياة الخناشير (يركعون) مولاي مولاي
- الأمر : إيه فيه إيه
- مرزا : تخزيش الشيطان بقى يا مولاي. وتخرجني من الوصيه
- الأمر : بقى مانتاش مبسوط وعندك ربع ساعه زياده في عالم الحياه
(تدق الساعة ٥) واحد. اتنين. تلاته. أربعه. آه. اركعوا يا جماعه
خلاص آن الأوان
- عثمان : (يدخل) آه. أصبر بقى أما نهوشهم. آدي وقتك يا ابو العثمانيين
- الأميرة : آه آه آه
- عثمان : هس. اسكت.. يا رجال مملكة باباظ. وكنترا باظ. ومعمل القزاز
والحمام الهزاز
- الجميع : يا خبر
- مرزا : آه دا خيال المرحوم عبد الباسط يا مولاي
- الأمر : يا حفيظ اركعوا يا جماعه أمام شبح المرحوم
- عثمان : أيوه اركعوا. اركعوا واهجعوا وكلوا واشبعوا. وفي دولة الحظ برطعوا
- الأمر : آه يا ربي. إيه بس طلباتك يا قداسة الخيال. قول اتكلم يا روح
المرحوم
- عثمان : نعم. أنا روح المرحوم عبد الباسط مرزا خان ابن عمك خان ابن
ادنجان ابن دوخان
- الجميع : رحمة الله عليه وعليه وعليه
- الأمر : طمئناً قبله يا قداسة الخيال. قول لنا إذا كان المرحوم. مات موتة ربه
والا مات غريق؟



- عثمان : أيوه مات غريق في البحيره بتاعتكم دي وابتلعتته سردينه. ودخل في
بطنها ابن المسكينه
- الجميع : مسكين
- الأمير : هيه. وبعدين
- عثمان : وبعدين فتحنا بطنها بالسكينه. وجدنا خلقتة ممسوخه ورجله اليمين
مسلوخه. وبطنه زي القربه المنفوخه
- الجميع : لا حول الله
- الأمير : طيب ودلوقت ضروري يعني من كوني أموت أنا كمان
- عثمان : أي نعم. لأن حياتك مرتبطه بحياة المرحوم من قديم الأزل. ولكني
تشفعت لك في مجلس الأموات. وأخيراً قررنا بما هو آت
- أميرمرزا : بيايه. بيايه
- عثمان : بإننا بعد ما نستأنف الحكم قدام محكمة الأموات. نرجع لكم المرحوم
عبد الباسط لكن على شرط إنكم تنفذوا له كل طلباته
- الأمير : يا سلام. فين هو بس فين
- عثمان : وإذا خالفتم الشرط ده. نربط نجومكم كلكم مع بعضكم. وعلى
الآخره نجركم وهناك نلعن أبو جدكم
- الأمير : أبداً أبداً. أنا أقسم لك بشرف باباظ إني أنفذ كل طلبات المرحوم
- عثمان : عظيم. بعد ثلاث دقائق يكون عندكم المرحوم
- الجميع : يا ألف مرحبا
- عثمان : ارفدوا. دلوقت شبكوا إيديكم. وغمضوا عينيكم. افضلوا كده راكعين.
مغمضين. الثلاث دقائق مبلمين (يخرج)
- الأمير : مرزا خان شور
- مرزا : مولاي
- الأمير : أنا باحلم والا إيه. اقرصني كده في قفايا أما اشوف
- مرزا : حاضر يا مولاي (يقرصه)
- الأمير : آي



- مرزا : لا صاحي يا مولاي. الحمد لله على سلامتكم
- الأمير : يكون في معلومك دلوقت يابو الخناشير. إنه إذا ما جالناش عثمان البربري ده حسب كلام الخيال. أخوزقك هنا بحسب الوصيه الساعه ٥ وربح تمام
- مرزا : لا لأ. أنا في عرضك يا مولاي
- أروم : (يدخل) آه. إلحق يا مولاي الأمير إلحق
- الأمير : إيه فيه إيه؟
- أروم : الدوريه بتاعة الحراس. كانت بتلف حوالين القصر. وبعدين عتريت في البربري وصبيه
- الأمير : فين هم فين. هاتوهم قوام
- أروم : أهم جاينين أهم
- عثمان : (يدخل) إنتو باعتين لي ليه. أنا كنت نايم مبسوط في تربه ٤
- الأمير : آه. دلوقت يا جماعه. حيث إن حياتي بقت مسوجره بوجود عم عثمان ده جنبني. لازم نهيص بقى ونعقد بالمره عقد زواجي على الأميره
- سفيرة وأميرة
- وزقزوق : يا خبر
- عثمان : زواجك؟
- الأمير : أيوه
- عثمان : أمال نرجع للأموات تاني. أيوه. لأني أنا جاي من الآخره على شرط وانت أقسمت إنك تنفذ لي كل طلباتي
- الأمير : طلباتك إيه بس اتكلم
- عثمان : طلباتي إنك تجوز الأميره شمس لصبي زقزوق. لأنه إن ما كانش يتجوزها راح يموت نفسه. ولما يموت نفسه. أموت أنا لأن حياتي مرتبطه بحياته. وانت حياتك مرتبطه بحياتي
- مرزا : وحياتي مرتبطه بحياتكم إنتو الاتنين



برادر - قول که این جزو قاعده است
 اسفند - کتب سه عادت استغیبه است
 برادر - معصوم است
 الخیر - از ای ده ؟
 برادر - مود ما زام دی رنجت عم عثمانه . انامه الزبارة حاجل است بد ده
 در ای عیسا له اول
 عثمان - لیکن از بر ز قزو
 الخیر - لیکن از بر ز قزو
 برادر - واقعا با هم عثمانه
 عثمان - مولود
 برادر - اتنی علی . کجبا اسلمک صلاقی فایدک
 عثمان - علی ایه یا مولود . کفایه اندوهک فایدک
 برادر - طبعاً قول که روح صد آئونه ندیمی
 عثمان - لیکن از بر عثمانه عثمانه
 الخیر - لیکن از بر عثمانه عثمانه
 (در مقبوله که فتنه السرایه)



- عثمان : أهه كده. دلوقت شوفوا لكم طريقه. يا تجوزوا زقزوق للأميره شمس.
يا تدور الشوطه فينا كلنا
- الأمير : طيب طيب وانا قبلت
- زقزوق : (للأميرة) آه يا روحي
- الأميرة : آه يا حياتي
- السفير : الله الله. إيه التصرف ده يا مولاي. دلوقت حاقول إيه لمولاي أبو الأميره
- الأمير : قول له إني جوزتها لواحد تاني
- السفير : كده من عامه الناس^[١]
- الأمير : لأ من الأمراء
- الجميع : إزاي ده؟
- الأمير : لأن ما دام دي رغبة عم عثمان. أنا من النهارده حاجعل الشاب ده
ولي عهد الدوله
- عثمان : ليحيا الأمير زقزوق
- الجميع : ليحيا الأمير زقزوق
- الأمير : وانت يا عم عثمان
- عثمان : مولاي
- الأمير : إتمنى عليّ. تحب أسلمك مملكتي في إيدك
- عثمان : على إيه يا مولاي. كفايه إن روحك في إيدي
- الأمير : طيب اقول لك. روح من الآن نديهي
- مرزا : ليحيا الأمير عثمان خان
- الجميع : ليحيا الأمير عثمان خان
(يقولون لحن ختام الرواية)

[١] تغيرت: الشعب.



آهي دولة الحظ كملت واتهنى العريس بعروسته
مين زي ابو سمره ياختي على بطته وعلى ننوسته
ياللا افرحم وغنوا وهياصوا واتهنوا
الحظ قوت قلوبنا ومالناش غنى عنه
ياللا خدوا العريس والعروسه على قصري

هي حلوه وشرقيه وهو خفه وعصري
ياللا خدوا عم عثمان وودوه على قصري
فليحيا كل شرقي وليحيا كل مصري

ستار



ملحوظ
المدونات الموسيقية الأصلية



Forces sepa
Pizzicato

The image shows a page of handwritten musical notation, likely for guitar. It consists of ten staves of music. The notation is dense and includes various rhythmic values, slurs, and dynamic markings. At the top, there are handwritten annotations: "Forces sepa" and "Pizzicato". The music is written in a style that suggests a specific performance technique, possibly related to the "Pizzicato" instruction. The notation includes many sixteenth and thirty-second notes, often grouped with slurs. There are also some larger notes and rests interspersed throughout. The handwriting is fluid and characteristic of a composer's working draft.


Handwritten musical score on ten staves. The notation includes various rhythmic values, accidentals, and dynamic markings. Key annotations include:

- And* (written above the first staff)
- Cant* (written above the second staff)
- Forbans* (written above the fourth staff, with a large 'X' over the first few notes)
- And* (written above the sixth staff)
- And* (written above the seventh staff)

The score concludes with a double bar line and repeat dots on the eighth staff. There are several empty staves at the bottom of the page.



A handwritten musical score consisting of ten staves. The notation is dense and includes various musical symbols such as notes, rests, and clefs. The score is written in black ink on a light-colored paper. The notation is somewhat messy, with some ink smudges and overlapping lines. The staves are arranged vertically, and the music appears to be a single melodic line. There are some handwritten annotations and markings throughout the score, including a large 'C' at the top left and some numbers like '12' and '11'.



Finale 240 *Andante*

Allegro

Allegro

Allegro

Allegro

Allegro


Allegro

Allegro

Allegro

Allegro






15m

14. 5. un tempo 40th. Cantata

The image shows a page of handwritten musical notation. At the top left, there is a handwritten number '15m'. To its right, there is a title '14. 5. un tempo 40th. Cantata' written in a cursive hand. The music itself is written on 11 staves. The notation is dense and includes various rhythmic values, accidentals, and dynamic markings. The first staff begins with a treble clef and a key signature of one sharp (F#). The music is written in a cursive, handwritten style. The paper appears aged and slightly yellowed. At the bottom of the page, there are two empty staves.

Handwritten musical score for guitar, titled "Sonata 18" and "Cataluña". The score is written on ten staves. The first staff includes the title and a large handwritten signature. The notation consists of rhythmic patterns and melodic lines. The word "Vivace" is written above the sixth staff, and "Poco" is written above the eighth staff. The score concludes with a double bar line and a final chord.





Handwritten musical score on ten staves. The first staff has a treble clef and a key signature of one sharp (F#). The word "Dance" is written in cursive above the first staff. The notation includes various rhythmic values and accidentals. A circular stamp is visible in the top right corner.




115

Handwritten musical score on a page with seven staves. The notation is dense and includes various musical symbols such as clefs, notes, rests, and dynamic markings. The first staff has a treble clef and a 2/4 time signature. The notation is somewhat messy, with some ink bleed-through from the reverse side of the page. The page number '115' is written in the top left corner. There are some handwritten annotations and corrections throughout the score.


Handwritten musical score on aged paper. The score is written in black ink and consists of several staves. The top right corner features the signature "C. Schubert" and a circular stamp. The music is written in a system of five staves, with a large black ink blot obscuring the right side of the third and fourth staves. The notation includes various rhythmic values, accidentals, and dynamic markings such as "a" and "p".





Handwritten musical score on ten staves. The notation includes various rhythmic values, accidentals, and dynamic markings. A large '2' is written above the first staff, and '1/2' is written above the second staff. The word 'pizz' is written above the eighth staff. The score concludes with the word 'Fin' on the ninth staff. The manuscript shows signs of age and wear.





Handwritten musical score on a page with a circular stamp in the top left corner. The score is written on five systems of staves. The first system contains a treble clef, a key signature of one sharp (F#), and a time signature of 1/4. The notation is dense and includes various rhythmic values, accidentals, and dynamic markings such as *forte* and *rit.*. The second system continues the notation with a treble clef and a key signature of one sharp. The third system is heavily crossed out with diagonal lines. The fourth system contains a treble clef and a key signature of one sharp. The fifth system is mostly blank, with a few notes and a clef visible at the bottom right. The word "Basso" is written in the top right corner.



الأمير شيلوا الخازوق داهه هاتوا الهودج بتاعي
وسندوه يا هوه اتفضل خد دراعي
الجميع سبحان المغير من حال لحال لكل أيام دوله ورجال
عثمان أهى الدنيا دايماً كده من عشرميت مليون سنه
يوم غسل يوم بصل يوم خازوق يوم هنا
واللي يكون زيي ضعيف سلاحه قوة ربنا
ما دام مظلوم ما دام بريء لا بد يوم يبلغ المنا

